

沅湘耆舊集前編

沅湘耆舊集前編卷第三十六

新化 鄧顯鶴 子立審編

男琮謹輯

文太常矩 九首

矩字子方長沙人涿郡盧承旨摯廉訪湖南辟署
書吏敬其才辯遇之殊常人大德閒授荆湖北道
宣慰司照磨兼承發架閣公卿聞其名畱補刑部
宗正轉秘書省校書郎延祐閒陞著作郎改翰林
修撰同知制誥兼國史院編修官至治初議遣使
持詔諭安南國被選爲奉議大夫禮部郎中佩黃
金符奉使安南復命進太常禮儀院判官卒於京

師趙松雪嘗贈詩云我友文子方其人美如玉文章多古意清切綠水曲吳草廬志其墓稱其文章歌詩雖疏宕尙氣有陳事風賦之志焉惜其未傳而遽止也

琮案清容居士集有送文子方著作作愛交趾使於武昌詩上清集有送文郎中

奉使交趾詩道園遺稿有賦文子方家質簪竹影詩柳待制集有文子方寓直翰林數日卽以使往雲南典選詩用識別詩則子方又嘗使雲南典選矣當日袁虞柳馬方駕並驅爲有元極盛上清外史尤異人也均推重子方無異詞負名如此今吾湘人乃無有能舉其姓名可歎也

和甯致陶幽懷

時雨息氛翳高林嘒風蟬端居愜孤尙圖書靜當軒涼颺戶微爽生僊纒客來聊與樂客去自復眠徜徉永今夕庶以忘吾天

題中慶學廟壁二首

世皇昔仗鉞汎埽開八垠茲方邇彭濮同氣皆吾人祥曦
洞幽闇化雨清炎氛哀爾窮髮黔煦以天地春魑卉襲冠
帶鳥語同書文邇來六十載含哺知尊親人心異禽犢適
性非難馴吾聞古王政不以土役民季世乃夸斂哇町逾
紛紛七縱昧柔遠降女傷王尊吾元有至德萬古欽皇仁
素王萬世師國經有常祀滇南古荒服薦裸豈異禮王宮
正南面溫厲思敬止豆籩具威儀登獻何纒纒升歌永齊
尚琴瑟散宮徵共言唐法曲歲久復滄漭陋邦何足徵居
夸聖所擬於皇人文化道大孰與比六經如日月洞照無
遠邇敘秩敘彝倫百王同一軌邈哉天何言悠悠政如此

沙洲耆舊集 卷第三十一
送馬伯庸御史奉使關隴

聖朝啟文運同軌來無方
夫君起天關崛起千仞翔
修辭陋史漢高步追黃唐
乃祖尙書君樹立何堂堂
昔在帝世祖榮身事戎行
風雲一朝會奕世傳芬芳
矧君擢高科有業未易量
斯文繫政教治忽慎弛張
世豈無勇者舍君吾何望
勿爲守鉛槧局束徒苦傷

僦屋京城居去君百舉趾
聞君起冠鴈僮走亦欣喜
况當遠于征無言詎能已
朝風號空桑衆草日披靡
河關尙瘡痍聖度乃宏偉
翳彼涵大休能不懷媿
恥艱危見臣節維持賴
風紀溫言表遺忠生氣凜
不死乃知烈丈夫豈獨曾
連子

題楚山春曉圖

荆門雪霽江樹芳
巫峽冉冉愁雲長
山獺杜鵑叫落日
風灑露沐何蒼涼
六龍從東來曉氣開
扶桑天高雨絕人事
變解環結佩空相望
渚宮西滢連三湘
畫中隱隱聽鳴榔
安得置我樓其旁
爲君一曲歌滄浪

次元復初韻送虞伯生代祠江瀆二首

成均十載宛遺經
未識沙墩長短亭
旌旆曉霞穿化日
文章秋月映華星
鳥鳴春晝岷江白
鵲沒天低隴樹青
四海車書今混一
摩挲劍閣重鐫銘

出宿春城宿霧低
閨人老眼似層梯
功名媿我蠅鑽紙
文采憐君玉在泥
蜀道連雲春繫馬
巴山踏月夜聞雞
贈言

知笑瀛洲客冷落梅花日又西

贈別任毅夫御史行臺陝西

金天行秋河漢涼星軺夜起尙書郎隴山晴樹熙化日燉
煌楚道霑飛霜天邊鷺鵠意自遠草閒孤兔無苦傷丈夫
樹業方如此探別不用愁中腸

九疊屏

吾聞匡山雲錦九疊之勝神所栖界天絕壁雲爲梯鳥飛
摩霄注壑不可到上有太始之積雪下有厯劫之冰漸靈
岫仙巖虎豹遠綠樹杳杳青猿嘯蔡元君騰空子今何處
桃花石室徧巖戶捫箕蹙軫欲上去轉迷中有神君指仙
路石梁浮空來浩然啟天關手捫五老頂足躡香鑪煙但

見笑電搖光九道疊雲錦天河中斷摧鐵山何截業
素浪決出崑崙巔縣流一瀉數千仞跳珠迸出與石恣鬪
卻上倒作雪濤翻長松吹香灑晴霧玉泓直下含清寒鳴
呼安得南箕爲杯此水爲酒手攜雲旗喚王母排獻吾君
千萬壽暢皇風包九有七十二君同不朽卻容三十六帝
有外臣盡乞南山種三秀清水黃塵一回首廬君此意今
知否

馬教授熙 四十九首

熙字明初衡之安仁人歷官左衛率府教授明初
溫醇君子見重於時湯陰許文忠公有王有別業
在江夏嘗請歸遊長沙與明初同遊南嶽唱和相

得甚歡遂同歸江夏甫七日文忠參知政事命下
以其子楨屬之又同至都用中臺翰林薦堂除緱
山書院山長及格擢右衛率府教授始釋褐衛官
若胥卒皆國人明初請收書教其子弟爲華學官
屬遼之檄明初買書江南因歸省其家文忠作詩
送之稱其人溫醇其文精粹與之交十年如一日
始終無閒言有德君子哉見圭塘小稿文忠旣謝
事歸相城得康氏廢園鑿池如桓圭名圭塘與其
弟有孚其子楨及明初唱和成帙名圭塘欵乃集
近南匯吳氏刻入藝海珠塵中明初詩凡七十八
首詞八首元詩選僅登詩四首詞綜錄詞二首今

爲選擇古今體詩四十九首而以詩綜所錄之

家傲太常引二詞附焉

垂五十年矣

爲當世名臣昔人謂有元詞人由科舉而登政府者必有一人而已其敬禮明初始終不渝如此知翻覆雲雨况延之館塾者其爲交不又密乎喪殯之不振引之不酬也其待之不愠不及也肅修之不謬也汲引之則狎狎則慢慢則隙生焉賓主至是不失人情久則狎狎則慢慢則隙生焉賓主至是不失歡者鮮矣而明初與子十年如一日云云則明初之賢可知又主塘集有送黃文復歸長沙詩半生湖海夢依稀但誦湘南遠寄詩先友獨殘公獨健故園荒盡我力歸百年未滿常憂畏千里相逢又別離他日瓊江松下路西州難似此沽衣文復未見方志擬此亦詩人也

記載缺如可勝歎惜

圭塘補和

卷序

欵乃旣歌之明年熙如京師可行泊楨日侍安陽公觴

詠圭塘更唱迭和之詩詞凡二百四十有九又明年棹
來京師熙始得伏讀全集大篇雲行短章衆流無非樂
日用之常而憂國憂民之實亦未嘗不默寓其閒也憶
聞詩趨庭日有新益而熙乃以抗塵走俗不得與於斯
文愧可勝言耶然可行序引有張本同聲之說固欲援
之入社今雖未至未必峻拒之也於是忘其蕪陋勉強
補和得詩七十八詞八錄次左方惟二先生進而教之
和可行圭塘雜詠

攜妓落成

省事山翁許鶴隨燕鶯奔命爲誰疲情知歛刀多幽事不
付樵青付雪兒

舟中對鷺

簫羽曾聞雜袞裳，主塘今見雪凝粧。
詩家物色無逾爾，身與虛舟已兩忘。

開窗看雨

洞房編葍屋編荷，八面玲瓏得月多。
誰遣天瓢爾雲過嫩涼，扶我入無何。

西隄晚眺

偶然隄柳涉飛橋，淡本無心與泊遭。
落日蒼煙橫白鳥，西山秋色兩相高。

調木芙蓉不花

欲寧騷鄉木末蓮，繞池分種待秋妍。
都緣錯把東風怨，花

偶寒灰不食然

和植侍飲主塘

相下者英繼洛陽詩如趙璧責秦償二難獨擅文章氣一字不隨時世紺洗雨菱荷方出色充庭芝樹亦生香黃塵烏帽予多愧不共尊前此夕涼

和可翁主塘獨坐

投老歸歟屢有年西南况復罷籌邊且容獨樂著司馬何必五湖追計然激濁揚清勤潔井任輕求重懶芸田悠悠此際誰能會唱入漁家傲四篇

近日征商法不虞謀生徑欲買村煙有泉得酒亦種秫無錦可裳仍集蓮和露任吟桃李鬧因風不禁柳花顛浪即

心事歌能寫樂句從知在此

和可翁有舟

勿謂吾舟小輕於太乙蓮能容茶煮竈更載酒如川有分
投閒散無心咎蹇連若教仍濟險須問水中天

和可翁秋陰

螢飛猶惡溼鵲噪未聞乾栽竹心逾遠澆桃興已闌有坊
鄰履道無路達長安欲和陽春曲詞華愧二難

和可行瑞蓮歌

休官林下堂名洎觀魚今又師鄉賢軒前未暇植他物清
漪萬頃花開蓮淺波仙子弓袖溼御風毛女雲鬟髻就中
一朵特獻瑞蕊歧帶並房仍連里人傳繪筆幾禿郎官趨

慶門應闕三陳秉軸昔接踵二宋射策嘗同年當時豈無
草木祥水花未必曾司權平輿施報未食相臺雙桂宜
光前歲寒勁節各挺挺傳家經笥均便便伯兮勲業在廟
祚用藏功斂安受塵季才本是棟梁具胡不領袖稅與椽
登庸便合踵舊跡天公有語令花傳涇堂嘉貺又繼出慶
源衮衮逾淵泉階庭連理見玉樹合驪不但瓜絲絲嗟子
病減詩復病探囊試藥猶未痊誦公新句弗克和飽觀紅
日酣平川

附錄可翁弟可行太常有字原唱并序主塘落成
之明年七月既望吾兄中丞公與客小集塘西南
雙洲前產瑞蓮駢花亭亭與帶同附殆陰陽和氣
鍾爲頑祥天以慰老臣錫眉壽而昌子孫也惟公
高科起家致位丞弼贊化機培善類二十五年間
事求歸田不足供伏臘而休地茂植竭力資之蓋

欲靜觀四時生意之妙與造物者遊而積善餘慶
吾事有祥嘉瑞之見理亦宜哉有司欲以上聞公
退然不居而好事者繪爲圖矣有孚退而閑史唐
開元至宋紹興四百年間僅十七八見表箋歌頌
逢洞沓作雖不奏祥瑞乃公素心然游泳至和詠
歌太平不可無也乃爲之歌曰圭塘活水分清恒
主人嗜好同先賢蓮根培植未踰歲孰謂一旦生
嘉蓮初疑霞臉影附鑑又似祥幘了分毫幻成形
鳳翼自比珠闥香玉環仍連李唐以來具圖表趙
未奏賀尤駢闐我元聖德極涵育瑞應只許書有
年當思至正辛巳夏吾兄實握網轄權廣寒殿下
太液池亭亭並蒂薰風前守臣有誦願馳獻獨以
義折煩便歸來對此蹶潄水官將異草誇里廬
吾鄉自昔號多士諸君巨筆如修椽僉言此是閭
里榮歌詩侯與圖諸傳身開意適物寓園林何
必皆平泉天公端爲表餘慶慶緒日與絲絲絲蓮
房有子風味好不待食藕沉痾痊願言七澤均此
瑞主人福壽方如川可翁和作相攸西郭濱吾
涇老病宜退非適賢平生竊慕君子德池上種竹
池中蓮蓮兮胡獨出奇異聯房葉簇金絲簪二妹
同體面目別七澤移種根株連書解史籍見歷歷
走觀士女來闕闕人言培植久方盛一泓疏鑿未

及年自知木作駭俗事茲焉誰握生發權形容敢
勝周子說肝脾又在太極前亭亭照影欲輕舉凌
波微步俱清便倦遊夢不到玉井歸來老屋安一
塵小池偶爾難蕪蕪池上弊亭才數椽酒從鄰賈
已多債詩取意適誰令傳天公特與慰岑寂嘉瑞
湧出如湧泉卯君有倡阿賈和僮歌况復清且綿
擬爲表頌偕歸美奈此蟻癩誰能痊予心眞樂更
多有傍花隨柳在前川可翁子元幹太祝植和
作太行山下溪名恒恒溪主人今得賢石渠分
又方治種出萬柄紅白蓮就中一茄發挺特豔雄
雙出雲髻髦有如二女降嬌弱翠裙紅袖相牽連
岐分駭目未信宿里傳傾耳何喧闐波神有爲歎
嘉瑞要並太史書豐年主人謙德不敢有福善自
是天行權亭亭植立萬花表可人適在亭之前口
酣欲語轉嬌蛇風動似舞尤輕便一時圖寫滋純
素十日車馬空市塵昔聞冀莢曾表異乃因土瘠
與殊椽景星鳳鳥豈常有考信前史眞宜傳醴湖
蕪塞不役兒而今乃濯主碧泉禎祥奕葉定不斷
藉絲萬縷相連綴幽人到此自怡悅育育泉不
尤難登要領紀錄入邵乘千仞增重吾山川

和可翁大雨雨夜僮報歸小酌詩

牀牀屋漏苦無乾一夜周垣被水漫生意盡歸竹
竹茂沙園須待日三竿

可翁雨後觀竹有壓墊摧折者

雨前栽爾地猶乾急雨排牆爾遽漫愧爾蒼黃類
夷甫未能忍死待雞竿

可翁新秋卽事

秋聲無適莫一夜入松關不待歌商頌先期賦
小山閒情馮絲綺機事失黃閒望斷雲林鶴馳書
久未還

可行睡起偶成

園池擇勝似江鄉蕉鹿何妨爾汝忘不是叩舷歌
歎乃更從仙枕覓山房

雲入茶甌自在行風生竹牖更多情石渠近日添新雨膝上橫琴聽水聲

可行卽事

載書逾十乘儲蓄乏千鈗竹影明窺戶荷香暗度窗對山方目擊見客又心降落日層臺表蒼煙白鳥雙

可行雨後督修堰歸坐嘉蓮亭

謝政從翁懶持家有弟勤鑿池通活水築島駐行雲柳外渠穿石荷邊路迫瀆亭臺全尙象花竹閒成文月碧秋仍草星虛氣未殷霖淫甯有節涖洞遂無垠畫舫齊居士黃樓賦卯君水平池見岸雨歇日窮曛竹墊芽新鴈魚飛尾舊焚計庸書載具犒役酒仍醺境順多逢坎時艱好策勳

一勞知永逸萬事付無聞折簡常招客裁詩足弭軍樹客
黃鳥並屋讓白雲分人樂宜居獨天謀欲渙羣明朝又興
作菊徑荷鋤芸

附可翁和作嬾是平生癖歸田始克勤灌園時汲
井學稼晚耕雲窗取山千疊舟巡沼四瀆倦遊當
稅駕勇退免移文誰識予心樂都忘俗務殷圭塘
清見底銀海浩無垠潦倒惟營口迂疏愧致君天
開方外境塵見隙中燠酒飲連宵飲膏須繼晷焚
藺書嗟坐廢娛老卻宜醺園綺知高祖巢由負放
勲至人先大節餘事及多聞詩少慙工部糞多笑
領軍郊原輒歲計風露逼秋分且曳泥中尾休空
冀北羣崇臺還一
上萬物正芸芸

可行鄉友具宴

石溜穿渠瀲灩鳴眼中幽事總關情故人載酒不盡醉好
鳥隔花空有聲但使軒扉常款客不妨松菊屢尋盟西風

涉江志卷三十一
瘦馬長安路說與山靈笑絕纓

可行侍兄赴圭塘

年來夢斷鳳池坊雲影天光有此塘
夜飲不辭歸路遠晨興更覺攬衣忙
桑麻莽蒼接平野機杼咿啞聞隔牆
忽有好詩生馬上眼明雙檣拂雲長

附有手赴圭塘原作時出西門履信坊望中楊柳
是圭塘軒車每被兒童識風物能令杖屨忙山客
荷囊多草藥溪人抄紙滿鄰牆年來頗識幽棲樂
愈覺林泉興味長可翁和作卜築何如履道坊
千紅萬綠浸銀塘要同衰境爲全盛卻使閒人號
最忙活水滿園容膝屋新篁高出及肩牆煙霞遮
斷塵埃路才覺山林白晝長楨和作清晨走馬
碧雞坊誰檢西園數畝塘花柳前川成白樂輪蹄
終日爲誰忙釣魚片口迎新水沽酒鄰家過
短檣半醉暮催翁命駕月明松影引杯長

可行宴罷泛舟三十韻

仙舟天何如快逸且奔放蒲帆濯沆瀣桂棹卻氛埃西塞
辭冬真甫里謝曾望秋雲與飛揚春坡恣摩盪濟人功已
斂橫波職非曠願陪山翁游况值新雨漲荷收知沿閫花
虛見雲傍鄉閭速佳賓渤海致名釀影搖雙櫓舞聲發半
天唱柳鶯續紆餘松鶴助胡胡酒滔滔劇川吸湛湛豁陂量
光迎東月皎氣挹西顥碣聯句交彌明請序接文暢吾將
出方外彼亦可舟上空虛名其逃俯仰物無長猶存一釣
竿欲破萬里浪靈轟彭蠡澤風擊黃天蕩又虞險難乘或
致身弗亢不如謝蒙衝聊復娛此舫旅酬賓主席各逮子
好行全交忠罔竭尋盟信可杖使乎杯勺免翁以雞黍餉
神龍豈容參天驥俄脫鞅醒醉既兩忘寵辱亦俱喪茫茫

跡大禹表表州古相休逸猶可追觀魚已堪悵更長幕無
烏月黑草有恙孤篷憩雙槳一夢絕諸妄明當泝滄浪高
歌航漢漾仍究圭塘源乘槎洄水訪

附有序原作并序嘉蓮亭宴罷奉陪夜舟分始
歸賦詩三十韻是日之宴渤海縣尹吳友之以使
表具也池亭秩芳筵落日船始放晴空散餘霞秋
水淨氛埃高荷雖離披尚爾綠穰望寥豁成璧池
不礙雙槳盤紆渚澄碧天宇益虛曠石竇來驚
瀾松隄俯新漲鼎立洲嶼連涵洞時一傍旬鉅羅
珍羞傾倒出奇醖侑以二名姬朱絃倚清唱凝雲
響空翠幽禽或胡胡所愧杯行遲負此百川量須
臾羣動息露氣白沆漭洒然毛骨輕不獨情前暢
燈火空蒙中彷彿江湖上陋彼西園游飛甍何允
長云胡漢陂行亦復怯風浪而我方叩舷焉虛恣
搖蕩吾兄駁郭流高節張那尤少飲如醉翁詩此
齊畫舫與交游每每折輩行送令子弟間日
尚履與杖屨船憶當年樂事欲一餉望洋失所操
伏擬今在執靜言按時易失滴仰異斯恨銀漢淺
人何似山中相但恐時易失滴仰異斯恨銀漢淺

日清神極喜無恙人生貴適意前修語非妄
報更闕列宿光鴻漾故舊東海頭何當刻溪訪
可翁和作膠榮四十年弛擔甬天枝雖云在人境
心遠絕塵埃光茲游騁地秋色入四望草木已向
榮雲水自相盪窗虛得山多臺高知野曠清泉來
汨汨節制無暴漲何須過前川園有花可傍玉舫
薦肥瘠銀鴈注新醪時貨孺子歌底用小海唱龜
魚共游詠鷗鷺來胡湖賓介亦何常小大各有量
子房屈圯下高祖隱芒陽君臣倏際遇功業驚洽
暢挺然三傑中奮乎百世上一朝事辟穀身外物
皆長乾坤任俯仰形骸貴放浪萬事雲悠悠一笑
天蕩蕩鸞謝累百鶴龍成上九元人生幾兩段芒
屬乃雨舫徒令方寸心戚戚復行行吾年今如此
出入必扶杖故人念衰老千里壯酒餉向鼓彈波
柰永稅塵俗鞅境勝夢俱清位失道未喪誰言管
城子初非食肉相興來使陶寫形役豁惆悵苦吟
向作崇樂飲不爲恙收往免大過勿藥喜無妄厭
厭詎可極明河月落漾庶足充淹留還如李公訪

可行偕故人陪兄泛舟

紅衣落盡渚蓮收容得虛舟日夜撐二客從子非漫與一

尊邀子助清游偶然憩息來三嶼從此翱翔到十洲欲賦
櫓歌成慷慨淡雲疏雨不勝秋

可行登冷然臺觀山

林慮山本奇臺上觀更好宛如武庫開事此軍實討千矛
插層空萬戟立荒草弓戈紛委地盾劍光夾迥端能愁城
攻亦可詩陣埽佳人澹相對綸巾照雲縞緬懷湘水湄衡
嶽配朱鳥惜無冷然風筆祝融小

可行記塘上草木二十四首

亭前雙檜立枝曲能自矯譬如直諫臣抗論犯天表氣含
芝朮春節礪冰雪曉丹井有餘波挹彼注茲沼

歲寒撫青松觀此物情萃不有蛟龍形孰當風雲會甯隨

同仁菊日以荒自慨不願汙秦封爲作擎雨蓋
移家傍洹溪辛苦嘗爲竹植之永爲好寸土如寸玉逝從
貧簞偃化作渭川綠中有鳳笛材清音勝絲肉

昔年探梅花攜酒過水南今茲對池上嗅香嘗清甘楚騷
雖見遺吾林亦何慚但恐和鼎晚頃筐實餘三

柏壽以世計當與泰初鄰銅柯旣盤盤黛葉仍囷囷雄姿
挾龍虎奇文閒纖鱗歲晚同節操甚知丈人真

河濟富于樹性本樂卑溼釣磯有餘地借爾油幢碧繁霜
剝其陰忽若尊舉羈致身安樂窩猶能大觀奕

杏園千樹春年年送仙槎如遇黃扉人飛雪漫隄沙移根
文茲土開晚慎勿嗟但願世其文常觀曲江花

有木枝葉繁茂，蔽前榮作止。每因風離合，非其情名器。
不可假爾一就，纓爲爾解纆。念示我亦周行。

若搖屯於春，入夏氣乃穿。花能醒醉眼，實可清暝眩。點紅
亦何心，要與濃綠綯。但爲宜男房，煌煌照庭院。

黃葵本高潔，值此湛露晞。戢戢切雲冠，飄飄六銖衣。中色
足自媚，吾將田園歸。佳人殊未來，忘言對斜暉。

遙斜章甫冠，贈玉簪。我髻終當衣製荷，未可帳空蕙葉葳。
如搔頭配爾香，細細胡不來中州。而乃宅八桂。

甘蕉本靈苗，斲根出崇阿。狂僧萬猶少，道士一已多。中宵
聽風雨，詩富如葉何。茫茫夢中鹿，倚窗聊寤歌。

秋花猶難幘，纓武凡幾就。威錦豈欲鳴，碎升或能關。新詩

繼以梅已愛與人購簪予之雄辭雌伏愧屋漏

哭頭莖白萸欲以清白樹此種備五色充庭當家具葉披
錦雲亂實繁多珠富霜隕不足惜明年有春露

街予定黃鵠孰謂來海上紫絲飛莫簾纈暈點春帳照糴
待銀燭追香負筇杖明當走昌州爾勿斷予袂

春風何許來孕此黃玉胎蜜脾不自斂馨口何由開以貌
可悔僕論香亦花魁風味極不淺吾當舉深杯

天公琢瓊瑤一夜綴萌蘖遂令東闌雪不受薄寒邊淡糴
何用洗落英猶可掇安得釘坐人相與浼塵渴

主婦治北堂所植惟貴護抗葉驚四垂擢英喜孤簪稻食
敘其功無乃成卮言當持忘憂訓問我叔重孫

何彼穠穠花沿歌園有桃陽和不擇地人力甯施勞舊植
各天涯或又夕都遭惟爾足佳實羞之配溪毛

園林澹泊春有此冰雪堆赤日照未好月夜須重來逝將
濯其根致之洗與羈顏色勿燥燥恐爲梨所哈

秋容爲誰妍白衣來何莫不惜尊中酒恐負籬下屢霜風
埽蘂紫星月照黃素采采晚節香美人意方注

花高枝滿蝶實老田有禽風日不貸春吾囊已無金誰將
不譌家致爾來爲林不有右軍帖疇能沃吾心

當徵廣陵花腰金本無種其當異人出嘉瑞不可壅西園
有分根新雨荷天寵願披家慶圖腸爲吟伯捧

知花在根撥培養異弛張媒暖眞叢棘穴蘊簪疏黃主人

本無心聊復雲影塘端誦康節語輔車不離香

可行松竹皆黃

淫雨爲災及稗松黃萎又見竹身叢徒能醫俗不自療
可引年甯有功外直尙持君子節後凋終繼烈士風人將
大任多窮困其孰知之惟太空

楨圭塘草木續詠六首

面槐餘十年老眼冷復青萌芽遊春雨一一碩且處平生
迺祖德不但保彥卿我將茹其花高誦休哉銘

國禮嚴公桑蓋以勤率下采采爲蠶供衣被薄夷夏何年
樹獨樂花竹共秀野當令有餘帛足辦里中社

惟木首五行實配四端仁椿又木之首配時爲孟春春當

歲八千此語聞蒙人仁者必有壽老境願卜鄰

仙家榆尚白歷歷種天上此地敏其青豪末起十丈蕪夷

抱美材胡爲食弗尙戢戢風雨栽生意尤浩蕩

杖屨迷柳邊無乃似歸院不如掉孤舟公隄纔其幾朝絮

粘露蜂夕條棲雨燕與物同至和天恩殊晏羨

鑿池得枯荷斂迹不記年一朝出淤泥亭亭水宮仙通憐

構巢龜欲問歲幾千便當從太一暫借紅葉船

樂府十解 并序 附

中執法安陽公初度之辰熙賦樂府爲壽以買陂塘施

栽楊柳爲首句爲新得園池成公志也公洎可行節司

各和二首楨和二首旣而可行董浚築之役竣事

唐韻云亦如之愈出而愈奇有本者如是夫公命照
廣而韙拔窮矣搜枯得九首并倡爲十闕謹錄以呈伏
希指教

買陂塘旋栽楊柳參知綠野機務春花秋月冬宜雪夏有
菱風荷雨亭北渚更倚棹觀魚時憩東西嶼掀髯自語任
黃閣絲綸彤庭劍履未換涉園趣人閒世多少高眠巢
許勲庸終愧伊呂得閒宰相方爲貴誰識山中詩句觴玉
醕看老鶴蹢躅舞入南飛譜清風萬古是舊隱晞韓新堂
醉白香滿菊花圖

買陂塘旋栽楊柳參知老圃機務宰臣得請歸田里久旱
忽逢甘雨懷鄂渚悵黃鶴樓前鸚鵡翔煙嶼騷魂可語奈

信美江山無窮湖海難得故鄉趣
西園地天意昔年曾
許塤箴近協音呂築臺後沼方竣事更辦雪兒佳句仍留
醋爲禱爾三家恐有治園譜今吾勝古問孟氏芳鄰何時
康樂何似簡之園

買陂塘旋栽楊柳參知圭沼機務石渠瀲灩鳴西北不學
九天瓢雨魚在渚又戲藻翻荷遠遍方圓嶼魚如解語道
惠子忘言莊周忘象豈識水中趣
寒泉上雲影天光如
許高談曾會朱呂此中儘有源頭水添我感懷新句如卻
醕便合著葉嘉百世雲仍譜心源汲古仁得并無波方塘
好在餘潤及蔬圃

買陂塘
楊柳參知三島橫
方壺

已能成雨鳧立消若雨雨陰
較短量長昨非今是未害老仙起
許糊塗政合睨呂交梨火棗如緘
惡何必雲林摘句餅聲
醕問玉醴金漿通我仙宗譜嘗聞
往古說舟近蓬萊風猶
引去何處覓縣圖

買陂塘旋栽楊柳參知漁艇機務
詎以冒涉風濤險此際
繞煙維雨朝泊渚到日落滄波移
傍寒梅嶼翠禽無語甚
雪意方深月明空載獨棹始成趣
鑿坡夢年少紛紛權
許科名更欲侔呂桃花浪暖多肥
鰔不識綠簑詞句常載
醕豈特與筆牀茶竈聯文譜閒忙
今古是世上何人淵明
日涉董子不窺圃

買陂塘旋栽楊柳池亭檢校公務團茅時復羲皇上驚夢
每勞窗雨東望渚卻不似西偏暑約連雙嶼于時語詔待
柳色環堤荷香入座方足倚闌趣園丁慙直把廉名自
許端如司馬家呂十千護得簷前檣莫詠蟄龍奇句誰酌
醕試共看東臯五斗先生譜明當倣古要渠列箕疇臚勝
義畫學取晦翁圖

買陂塘旋栽楊柳平堤檢校公務近來不用新沙築屐齒
要深苔雨蘭藝渚植桂樹團團宛在池中嶼堤應怨語只
有嫩柔條無情飛絮日與我同趣周垣下杖策已蒙神
許餽瓜何用懷呂丈夫志不期溫飽愧爾碧紗籠何待且
醕聽絃索迎風吹入新翻譜由今視古對草綠西湖初漲

一題端合讓西園

買陂塘旋栽楊柳飛橋檢校公務當年題柱非無意借用
墨池今雨沱其渚早有路潛通海上三神嶼歸來笑語便
玉蟬橫空金鯢跨海安有野亭趣裴中令別墅相師惟
許倡酬聲應鍾呂若教子午成丁卯容得老漁尋句忙喚
醵好淨洗窮愁卻與論詩譜西風道古我欲繫匏瓜匏瓜
何在緱氏已無圃

買陂塘旋栽楊柳看臺檢校公務西山遠獻千巖壑總解
蓄雲藏雨臨淺渚更俯視銀濤萬頃搖孤嶼姮娥寄語約
靜影浮光浴金沈璧方領眺蟾趣登臨地休道主人先
許買鄰邀我從呂黃金鑄作千錢賀不及無須新句剡綠

詩林卷之八
前編卷之八
醕甚欲把園亭草木隨時譜歌幽驗古看祭韭條桑薪樗
刺橐納稼築場圃

買陂塘旋栽楊柳夢中還理家務十年不到衡山麓孤負
楚雲湘雨蘋映渚沙杜若江籬香接煙霞嶼口心相語爲
蠅驥東西雲龍上下誤卻釣游趣生平志願織平輿二
許煌煌岳降申呂斐詞敬爲先生壽博得月章星句毋我
醕只小草幽蘭心醉離騷譜松栢徑古待遊遍西園荷鋤
歸去吾亦愛吾園

和可翁池荷韻

太常引

園中風物水中亭消得雨娉婷濁酒卷荷傾早洗盡暑
聲四隄晴柳天化氣付與晚山青飛絮輕一輕任

王瑤琴自序

琮案圭塘集有邠陽周伯璵序前云圭塘欵乃集
者乃御史中丞安陽許公其季氏都司君可行
其客馬君明初及公之冢嗣國子生楨間居
倡和文什也後云詩古律五七言二百一十九
府六十六總之二百八十有五其中推樂府十
馬明初所作餘皆公與弟若子一家作也云云蓋
是集初編時明初如京師故止得樂府十解其後
乃追和之耳今以十解并其所和太常引一闕附
焉

沈潜者舊集前編卷第三十六

九

沈潜者舊集前編卷第三十六終

新化

鄧顯鶴

子立審編

男琮謹輯

胡傲軒天游 五十四首

天游名乘龍以字行別號松竹主人晚號傲軒岳
之平江人當元季之亂隱居不仕邑人艾科爲作
傳稱其七歲能詩具作者風力視伯生子昂不輸
一籌而負氣孤立有沈湘蹈海之風晚歲益自矜
其徘徊亂世以緬想太平之心卒泯然不白也因
作述志賦以寓長歎之憾四庫總目提要亦稱
其身處末季惓惓然想見太平猶有詩人忠厚之

遺不失爲元季作者蓋重許之也今從元詩選採

錄又得平江一士人家寫本其編爲二卷

總四庫

要天游傲軒吟藁一卷其邑人艾科爲作傳稱使
天假其年遇明太祖必爲劉基宋濂則歿於順帝
末年也其集兵燹之餘僅存十一傳稱其七歲能
詩已具作者風力名籍籍一時視伯生子昂不輸
一詩今觀所作大都悲壯激烈而頗病羸豪然長
歌慷慨之中能發乎情止乎禮義身處末季慘慘
然想見太平猶有詩人忠厚之遺其在元季要亦
不失爲作者也集中陷上花詩小序誤以錢鏐爲
梁元帝頗爲乖舛蓋與酣落筆記憶偶疏庾信枉
華之語誤讀漢書王維垂楊之句譌解莊子取其
大端則小疵可略論古人者正不在尋章摘句開
矣元詩選高氣孤立峻視曾不一起取才祿自
有俊逸才負高氣孤立峻視曾不一起取才祿自
汚扼腕當時俯仰太古鳴之歌什有沈湘蹈海之
風今其集中荆軻館與醉歌等篇可想也王辰夏
桂苻峰起所過皆墟獨天游室巋然煨燼中自
號曰傲軒氏性少許可獨雅善余牧山每泛激清
溪弄月佳夜放歌岸幘饒聲如雷各持盛氣不下

妙山隱三能酒能詩只兩翁晚歲益自矜其引個
亂世以編想太平之心卒泯然不白也因作述志
賦以寓長飲之憾云兵燹之餘篇什散落存者僅
什之三曰微吟吟棄明宏治間其七世孫榮昌
合湘刻之嘉靖初八世孫大極復編次重刻豫章
羅傑謂傲軒詩豪邁卓絕與虞趙諸公相出入而
出處大節過之胡氏文獻世家宜其能保守若是
然則詩文之傳世與否豈真有幸不幸哉琮案傲
軒詩一刻於宏治間其七世孫湘湄川為榮昌令
時有內江鄧山繼申序再刻於嘉靖時湘之子大
器有崇陽艾鍾秀序三刻於崇禎中其十二世孫
鵬舉司理虔州時有陳大士序四刻於國朝雍正
正開平江唐允是滄材有自序而其時平江校官
竟陵魏敬枝亦與有力今皆未見僅得一破爛寫
本各序亦不錄

題法興寺七歲作

山色搖光入袖涼松陰十丈印迴廊老僧讀罷楞嚴咒一
聲神風柏子香

冬暖

冬令偷春多得暖
灞橋無思可吟詩
江梅一樹都開遍
不問南枝與北枝

壬辰歲草昧蜂起
此屋皆燬盡區室
幸存自扁曰傲軒
因題

百屋堆錢等夢回
春風多誤燕歸來
如何四壁都無物
獨向人閒傲却灰

男從軍三首

十五京髮出從軍
背劍腰刀別弟昆
男兒不覩臨歧淚
舊築數聲吹出門

雨沐風餐夜枕戈
東征來了北防河
當時祇道從軍樂
誰

道從軍苦更多

自古男兒要自強
腰閒金印有時黃
時來不用龍泉劍
手搏樓蘭獻廟堂

女從軍三首

二八女兒紅繡韉
朝朝馬上畫雙蛾
采蓮曲調都忘卻
學得軍中唱凱歌

從軍裝束效男兒
短製衣衫澹埽眉
眾裏倩人扶上馬
嬌羞不似在家時

柳營清曉促征期
女伴相呼看祭旗
壯士指僵霜氣重
將軍莫謗鼓聲催

銓花給顏

寸燼能偷造化權
花開花落自黃昏
豈憑根本栽培力
暫借膏油養育恩
隔幔乍疑籠日幄
展屏聊當避風幡
彫零滿案無人問
付與青娥淬鬢痕

牡丹花

相逢盡道看花歸
慚媿尋芳獨後時
北海已傾新釀酒
東風猶鎖半開枝
埽空紅紫真無敵
看到雲仍未可知
但願倚闌人不老
爲公長賦謫仙詩

寓中水樓秋夕

殘暑崢嶸入夜平
羈懷牢落傍秋生
斷雲推月弔孤影
瀨挾風來遠聲
山店碎繡松火細
水樓欹枕葛衣清
餘年飽食慚蔬飯
回首南州欲用兵

寄內兄余孜山

少年親故盡豪英回首家山一愴情
桑梓連雲俱寂寞松筠鬪雪獨崢嶸
生憎赤憤何時白須信黃河有日清
珍重加餐莫輕出共留老眼看昇平

李千戶納室

轅門佳氣曉氤氲威稟筵開酒半醺
鸞扇低回人似玉虎牙顛倒從如雲
花開穠李春猶小帳掩流蘇夜正分
從此談兵應有助木蘭元是女將軍

憶孟兄季弟

兄弟相看各一方別來俱各鬢成霜
江山十里猶比屋風雨幾番能對牀
海燕年深常作客塞鴻天遠不成行
擎杯

莫負黃花酒來看南塘萬竹長

送姪胡文學修江館

我祖文章伯餘光耿未休聖朝崇學校猶子重箕裘蠹簡
三生債皁比幾度秋登高還小魯觀禮復從周琴爲知音
鼓珠甯暗室投小奚藤作笈長鋏蒯爲緌細柳牽征袂飛
花餞去舟嗟予倚市拙壯子異鄉遊白酒春風席紅鐙夜
雨樓生徒交授受賓主迭賡酬章甫儀刑重湯盤德業修
多能宜下問博學更旁求勿謂青氈冷毋貽素食羞句休
吟苜蓿交重擇薰蕕忽忽山川異行行歲月遒竹林難共
醉江樹攪離愁幕阜山前屋修江月上鉤白雲飛翮遲莫
惜重回頭

和禽言

婆餅焦新婦腰鎌孫荷樵原頭麥熟空滿壟丈夫盡赴征
西徭嗚呼土鎗敲火淚如雨婆餅不焦心自苦

婆餅焦

歸去樂蜀道崔嵬天一角青泥百折費躋攀瀕翻空波
浪惡嗚呼朝避長蛇夕猛虎干戈滿眼歸何所

歸去樂

暴雨

原注時聞花馬平
章領兵收復蘄水

層雲生遙岑倏忽騰萬馬回飈振高樹少女弄嬌婉蒼茫
乾坤合慘淡精靈下天明亦豁光毋乃龍戰野須臾萬里
霖砰湃動簷瓦端如挽天河十斛罄一瀉潢流走街衢陋
澤蓋竿疾雷無時休壯士爲瘖啞書生掩卷坐頗媿漂
泊者坐憂滔天來浩浩失華廈吁嗟造化力妙手誰能假

陰氣劃開除萬象了如畫江山若再造社鬼爭自詫天公
亦何知龍駕正魚雅川源日流血草木染腥膻爲謝滂沱
功一洗氣蕭灑

觀蓮

清池瑩人心俯見荷葉背南塘非不佳無此青錢蓋沈沈
古鏡淨濯濯明粧對涼風似留人幽賞心獨會天公亦解
事一雨不破塊小呼巫陽雲浣此傾國態高盤捧明珠錯
落無小大恍疑逢二妃迎笑爭解佩低昂巧簸弄明月聚
還碎馮夷不相容轉盼何所在人生總虛幻佇立增歎慨
聊將一餉閒了我看花債簾翁不我待誰復同此愛長嘯

歸去來餘芳滿巾帶

晝睡起一涼快甚

炎歊困亭午推枕目猶眩
簷光射茗椀高壁走驚電
開窗山鳥度倚杖松陰轉
涼風惠然來林影一時亂
徘徊入懷袖顛倒弄書卷
披襟領嘉貺頓爾埽煩倦
迺知封姨功百倍班女扇
無由均此施獨享醜有面
王師正南征荷戟汗如灑

擬賦荆軻館

咸陽宮中頭白烏燕丹掩面聲呱呱
函關得免豈天意禍福倚伏如樗蒲
蒲含羞忍恥丈夫事一朝之忿非良圖
黃金未肯求郭隗白刃顧乃希專諸
爾軻見之真不憾樊也投首尤無辜
悲歌易水豎毛髮胸次似欲無
西都男兒臨事

黃敏述胡迺把袖終脚脚鵠毛性命效一擲造物不肖成
秦盧悲哉秦人信狠虎事勢固與齊桓殊赤刀應有或僥
倖矧可生致編其鬚武陽乳臭不足俱旁觀駭汗一計無
長虹萬丈空貫日熾血竟自灑他裾全燕席卷果誰過古
今罪狀何紛如子雲弄筆不少借嗟子要亦非庸夫悲風
肅肅寒日孤空山廢館荒平蕪雄姿勁氣不可見仰天椎
缶呼鳴鳴

黃陵廟

黃陵祠邊春草齊黃陵廟下春波肥鷓鴣飛飛宮樹綠日
落未落湘雲低祠中帝子重華妃明粃窈窕芙蓉衣哀弦
五十淚如雨此憾只有江山知飛龍之車無定接乘風俟

忽蒼梧西吹簫酌酒心自苦雲屏霞帳歸何時茜裙嬌小
誰家兒未識人間生別離輕舟相呼採蓮女來看祠前斑
竹枝

途遇大風

客子南遊日欲落觀溪橋頭風色惡砲車雲外天爲昏走
石翻江吹倒人橋頭翁媼邀我宿呼酒張燈傍僮僕夜深
漁榜不成眠瑟瑟餘威振茅屋明朝風定天宇白一笑促
裝三歎息邇來平地多風波不獨江頭阻風客

石牛砦

癡牛偃蹇不服箱天風吹落千仞岡明河在掌歸不得化
作山頭一卷石皮毛剝落封苔錢千古萬古眠雲煙嗚呼

安得秦鞭起叢棘短衣歸種汝陽田

題幼安濯足圖

山東豪俊何紛紛飄然乘風呼不聞餘生亦足老遼海避
世豈必如秦民歸來問舊半零落乾坤割據潛悲辛青山
未改漢家色焉知不有芒碭雲摩挲兩足共世走將來濯
彼滄浪濱眼中馳驅何足道汗腳三寸曹丕塵黃金瓦礫
少年事況有斗祿污吾身平生子魚今迺爾尙憾此耳無
由新我我皁帽千年真安得喚起圖中人我當再拜公徹
洗分我半席長相親

寓館食螯戲主人

蘇芽成拳筍乍竿園菰臥壘春告闌寸心生意老猶壯鬱

鬱競長青琅玕筠籃擲翠風露溼瓦缶釀碧虬龍蟠開緘
曉試膳夫手寸斷日送先生盤堆金疊玉光璀璨未許苜
蒿誇闌干鏗鏘拒齒發鈞奏甘脆適口回儒酸填胸一洗
鮭鱖惡頓覺肝膽生清寒朱門烹熬腐腸藥何異鴆毒生
宴安蓋鹽送老本吾分一飽已判如窮韓幸無羸角蹂吾
圃祇有蔬糲同盤桓未知餘生消幾盞俯仰日月雙跳丸
明當更作冰壺傳大笑出門天地寬

楊花吟

吳江春水拍天涯江上風吹楊柳花花飛滿室無處所隨
風直渡吳江水渡水隨風太有情縈花惹草恣輕盈狂如
舞蝶穿花徑細逐流鶯度綺城綺城樓閣連天際楊花飛

入千門去飛去飛來稍覺多紛紛如雪奈君何珠簾繡箔
深深見舞榭粧樓處處過樓中美人春睡起愁見楊花思
鶻子鶻子飄零去不歸楊花歲歲點春衣夢魂不識天涯
路願作楊花片片飛

田家吟

邨南邨北鳴鷓黃舍東舍西閑野棠坡晴漸放柔眼綠水
暖忽起秧芽長老翁躬耕催早起女績男春婦炊黍犢兒
狂走未勝犁蠶蟻半生猶戀紙一春莫笑田家苦苦樂原
來兩相補君不見踏歌槌鼓肉如山昨日原頭祭田祖

無牛歎

荒疇蕩頃連坡陀躬耕無牛將奈何老翁倭倭挾良耜婦

子並肩如橐駝肩頰骨怠汗掩肘竟日勞勞不終祇夜
草屋酸吟嘶祇有飢腸作牛吼卻憶向來全盛年萬牛蔽
野無閒田干戈瀕洞一埽盡骸骸就死誰能憐桃林荒塘
春草綠根底紛紛何有犢老翁無力待昇平臥看牽牛向
天哭

無筆歎

宣城鼠鬚不可索越南雞毛不可得山中老穎飛上天九
館凝髯化爲石晴窗無復禿千枝曉夢有時來五色一庭
老葉埽西風袖手空堦看蝸迹

無書歎

六經既降諸子出後代枝葉何其多眼中萬卷忽如埽無

乃天意憎繁苛陳言故紙本糟粕吾道耿耿終難磨劫灰
不赭孝先笥晝臥坦腹時摩挲

故人別

故人別新人歸大車小車當路衢路傍把酒相迎送盡道
新人貌更殊故人含笑催上道回頭卻向新人笑黃金不
鑄玉郎心送故迎新何日了故人一去無回期新人還著
故人衣玉郎遶牀看畫眉恰似故人初到時

給四江韻賦海棠

街西街東鼓逢逢書生閉門續蘭缸有美一人嬌不脫夜
稱唐妃領羣婉敲門索我南國百尺之飛幢恍然失之神
爲慢遠庭如聞足音楚有花嫣然來錦江炯如眞珠滴春

缸又如錦旆搖長杠朱唇半起調新腔酖顏睡足琉璃窗
天然富貴真無雙一笑未了千花降粗桃俗李徒紛麗正
須林下拜老龐惜哉胡不居空輦傾城倚世鼠所瞠世人
其辯珉與玳平章比擬言何哢陋儒抱憾駭且憊乃以鼻
孔求他邦我來咨嗟久降矇對花壓酒如流淙玉壺錦瑟
聲琤琕興酣弄筆鼎可扛賞音一洗陵翁曠詩成絕倒付
同調爲我金石相舂撞

醉歌行

醉中豪氣如長虹走上高樓叫天公問天開闢今幾年有
此日月何因緣月者陰之魄日者陽之精陰陽果何物產
此團團形一如白玉盤一似黃金鉦得非冶鑄山無乃磨

琢成茫茫太古初二氣才胚胎金烏從何出玉兔從何來
扶桑誰人種桂樹何年栽東升何所自西沒從何遊胡爲
天地閒奔走不暫休但見朝朝暮暮無定勢但見波波汲
汲如奔郵催得黃童變白叟催得華屋成荒丘催得秦王
漢楚急抔土催得黃河碧海無纖流我有如澠酒勸天飲
一石願天安長繩繫此烏兔翼一懸天之南一挂天之北
安然不動照萬國無冬無夏無旦夕百年三萬六千作一
刻盡使世人老不得

送李德仁任祁陽和平巡檢

錦襪窄袖青蒙茸千金駿馬飛如龍零陵候吏催上馬別
酒一笑千觴空流星白羽新月弓氣如秋雲吐晴虹挂片

插箭出門去白面已作唄人紅傍人借問將軍誰乃祖向
來猿臂公此行爲問向何許永州之野浯溪東浯溪有砦
圍千峯將軍雄飛鎮其中從來文事有武備欲與利器加
磨礪往歲絃歌動隣邑三年化雨沾頑童東安父老舊相
識但怪章甫成軍容曾聞零陵古佳縣山川清曠無邊烽
砦前花開春酒熟細柳夾道清濛濛胡牀夜琴山月午曉
騎突出鬢煙濃鳴絃忽作餓鴟叫馬頭迸落雙飛鴻健兒
提酒酌大斗短角細吹梅花筒封疆無虞王事少此樂孰
與將軍同君不見壺頭六月火雲熱大將軟掌親從戎將
軍官閒黃髮國猶谷正賴懷柔功方今天子重邊徼選擢
勇銳無卑崇男兒努力樹明德談笑自可求殊封長風吹

吹送枯蓬行塵目斷心無窮他年得意馬蹏疾錦衣歸拜
明光宮

聞李帥逐寇復州治

西南佳氣清如水一騎星馳傳好語隴西將軍天下奇夜
半殺賊收城池我城周遭闔賊壘將軍飛入儲胥裏城中
妖血渺長衢帳底渠魁睡猶美將軍掩襲信有功人物信
是南州雄惜哉士卒多苦暴弱肉強食鵠鴟同君不見往
昔經過清我野老穉逢之無脫者至今婦女墮戎行閭里
蕭條泣鰥寡嗚乎賊退將軍留老夫憂虞猶未休

贈余公圖書樓二首

一幅生綃天盡頭水光山色上簾鉤似將崔白千年軸挂

在元龍百尺樓霜葉埽鴉描落照
淫雲和雁捲清秋紛紛
紙上爭妍醜還識無爲妙處求

高人有眼看山川不費從來買畫
錢萬古丹青垂宇宙百
川樓觀倚風煙人行樹葉林邊路
鳥沒蘆花影裏天我欲
與公添一筆寒灘蓑笠釣魚船

雙頭蓮

一枝瑤柄倚風清兩面紅粧鬪日
明張孔斷魂埋玉井尹
邢妖魄寄金莖雙鸞俯鏡東西照
百子分房向薄榮若使
此花還解語好將蘭臭與誰評

遣悶

昏昏如醉復如癡半榻殘書兩鬢絲
世故擾攘思樂日莫

年艱苦憶兒時對人言語惟稱好
徇俗文章嬾出奇斗酒
十千無覓處悶來消遣只憑詩

諷黃蘭谷

雨花風絮兩飄飄興味都非舊寂寥
白足嬾穿雲外履翠
眉低按月中簫重拈曉鏡添新髮
旋試春衫減舊腰金鎖
玉函千載憾爭如雲雨自朝朝

春詞和韻七首

綠窗紅燭製春衣宮樣花紗要入時
玉手怕裁雙鳳破并
刀欲下更遲遲

日射珠簾試曉晴
隙光斜上寶釵明
碧紗窗下無消息閒
數吳釐幾個生

自尋蜀紙寫吳歌小字斜行未省多嬌嬾卻嫌春戰冷手
拈牙筆倩人呵

暖風深巷賣花天爭買繁華裊鬢邊揀得一枝紅躑躅隔
簾拋與沈郎錢

雙鷄不惜泥沙閒逐吳姬鬪草芽贏得阿嬌金半臂背
人含笑入桃花

貪逐春風趁伴遊不知明月上梢頭兒夫若問歸遲意幾
度穿花避紫驪

昨日江頭看綠楊歸來學得兩眉長低聲更向蕭郎問又
愁眉長不稱粧

橫橋阻水

浮江積雨水連天楊柳依依一釣船白髮篙師多意氣向人先索渡江錢

幕阜山

天岳山高一千八百丈我疑山頂卽天上捫蘿躡磴到山巔猶如平地望青天始知天高百萬應無極天岳蒼蒼一卷石洞庭八月古所傳對此遙看如鏡圓若還更上三千丈那知天下有山川

題晏阜雲畫龍

自注幕阜連雲山下有道人姓晏號阜雲賣藥遊江湖有道術能致雷雨

歲旱求雨輒應一日以畫就手軸素題賦此長句

幕阜何巍哉連雲亦籠嵒兩山蒼蒼知幾重下有百尺潭上有千仞峯中有道人炯炯懸雙瞳道人有道超凡庸何

年結廬荷喬松赤手捕得潭中龍撫而豢之如守宮一瓢
寒漂銀溶溶四方上下長隨從指揮復役輟靈僊往往爲
人作年豐有時化作三尺筇仙挑藥壺走西東前年六月
天降凶赤地百里愁枯蓬使君憂國心忡忡焚炷舞甌百
計窮刺渴令嚴禁雨工天河無津海不通金鎖萬丈如長
虹道人翻然憫吾農試呼小龍起匆匆墨池一吸雨太空
萬姓舞手歌神功地祇上訴天改容六丁下攝星火同蛻
蜺飛入懷袖中化作妙筆潛靈蹤至今墨汁猶瀰漚把玩
慘慄含淒風世人不識眞龍公迺以形似求雌雄吁嗟神
功會有逢片楮詎足掩微躬一朝道人功行隆片雲貫袖
騰青虹飄然攀鱗入鴻濛斯人妙畫雨莫覩但見雲阜削

立青叢叢

一題張以瞻雲耕

山磷磷石鑿鑿山石之間雲漠漠短衣開雲種寂寞良耜
粳粳翻犁確雲深不辨人與牛但聞飛鞭叱咤牛礪角旁
人借問耕者誰留侯之孫勃宰兒讀書不食萬鍾祿卻來
雲裏親鋤犁雲山地瘦禾黍薄噫嗟先生來東作一犁春
雨土如酥共笑耕雲計不惡耕雲不惡亦不癡先生歎君
君不知人閒寸地出賦稅力田不給公家貸不知耕雲之
樂有深趣縣遠山深無悍吏君不見田家催租夜打門先
生作勞方臥雲

夏夜閒步西溪

野色寥寥一犬鳴戍樓初鼓絕人行哭聲未斷歌聲起激
火將殘鬼火明月暗村墟疑有虎煙迷草木亦如兵騷懷
世故千憂集竟夕徬徨睡未成

沅湘耆舊集前編卷第三十八

新化

鄧顯鶴

子立審編

男琮謹輯

胡傲軒天游

五十四首

題傲軒詩

柴門竟日無車馬芳草沿堦一徑荒
不謂祝融隨世態煌煌不到沅陰鄉

松竹陰陰綠四周可憐天亦愛吾廬
牀頭兔冊依然在不讀秦人種樹書

喪亂離羣一老夫悲歌誰與和
烏鳥柴門盡日不須閉俗客如今亦已無

風塵瀕洞靈光在煨燼蕭條魯殿存事有至難今雨得傲
軒猶我我猶軒

獨酌何須問主賓興來魚鳥亦相親蒼松翠竹眞佳客明
月清風是故人

避世誰能好採芝山深谷絕路逶迤南塘只在人閒世
眼干戈似不知

武陵桃花落紅雨邵平瓜圃生秋風不及南塘松與竹青
青長對主人翁

案此題原有八首題云王辰歲草昧蜂起比屋皆
灰燼區室幸存自扁曰傲軒因題八首考王辰爲
元至正十二年其年正月天完破陷漢陽興國武
昌二月陷江州總管李懋死之所云草昧蜂起
在此時艾傳亦云崔苒蜂起所過皆墟獨天游
歸然灰燼中豈天亦旂之而令獨獨者且不能還

耶天游因復號曰傲軒氏憤其丁惡造而輕世肆
志之意益暴於此矣詩前卷僅錄其一茲復補錄
於二卷之首

聞蛙

鳴蛙出陷井意氣何驕盈乘陰集堦除奪我經誦聲喧闐
自相和外此無他稱詎諧宮商調虛辱鼓吹名陋哉孔稚
珪過譽非人情焉知朝陽鳳鏘若韶鈞鳴

白縣巖

自注朱叛將劉忠駐兵於此

峭壁削寒鐵古藤棲飢飈風雲含厚顏幽子方踟躕維昔
大盜起橫行掠荆湖睠茲崔嵬巔駐彼梟雄徒豺狼據要
地麟鳳無全軀腥血被林巒遭金委榛蕪燐光雜寶氣未
夜猶扶疏聖代開承平崇岡失崎嶇秋風散樵牧藹藹桑

麻墟靜思天壤閒陳迹分賢愚江山一片石過者盡隄如
柰何千仞青名與鼠輩俱憑高發幽憤胸次森矛戾無由
出雲雨一洗前朝汚

鐘竇潭

自注俗傳永寧鄉有寺寺有靈鐘一日雷雨
洪水大漲鐘出至此潭後止於洪山寺

積水太古色臨深思無邪連峯俯澹瀨暗浪鳴谿頡蒼茫
蛟龍穴窈窕魚龍家何年萬石靈走此千丈窪傳聞蒼山
北有寺凌飛霞驚波駕蒲牢白晝誰能遮至今所歷地斷
石如破瓜年深事既往至寶難披沙平生好古意此語信
非誇乃知躍治物豈就世俗掘想像追蠡姿徘徊大江涯
翻然憶泗鼎長嘯驚棲鴟

寓鐘竇潭書懷

解劍濯潭水一彈三吟哦甯爲猛虎行不作無魚歌高堂
絕塵囂矜佩濯菁莪時來佳主人慷慨傾懸河斗酒出肺
肝爲君起凜凜丈夫感意氣豈在黃金多

有卒

有卒升我堂手執丈八笏自稱千夫長意氣何粗疏公然
踞高榻穉色如於菟顧盼傍無人搖頭捋髭鬚時時越几
席顛倒案上書我欲呵叱去臨發還躊躇含慍姑與言但
誇身手麗昨日戰城西殺逐諸賊奴奮臂臨大陣叫囂若
呼盧豺狼正滿野章甫多泥塗區區一介士焉敢拒武夫
時事如此迫且復忍斯須

淵明採菊圖

葛巾翩翩翫秋風元熙有此歸來翁南山荒徑一何有黃
花迎笑荒籬東平生聞道不慍窮冷淡亦與黃花同風霜
歲晏吾與汝可逐桃李爭春紅寒香盈把欲誰贈繞籬三
嗅心冲冲停雲遠在天一方八表慘澹將焉從渡江仍孫
馬化狗伐荻小兒蛇作龍憂來惆悵清樽空解事白衣乃
相逢一觴進我忘憂物浩歌目送南飛鴻

贈縫者魏夫

元康相業夫何如鄭公故笏今有無風流雲散子孫在能
事尙與他人殊高軒長戟非所顧弁州快翦眞吾徒廬兒
左右亦安有指揮自有金鍼奴明窗無塵大几淨組練拂
拭澄江鋪彌縫細意妙熨貼心如兩翁當國初青天五色

了無迹巧手失笑媧皇疏短長窄狹皆中度趁時翦製麗
且都要令土木咸文飾豈但髀壤歌唐虞噫嗟古道去日
遠沐猴被虎何紛如世人重外不重內撫掌短褐矜華裾
蕭然桑樞一老夫紵布半作桑葉枯綺羅千金不足數荷
芟落莫秋風孤雲山之陽雲滿谷溫其如緜軟如穀撻而
懷之可盈掬請君爲我裁春服舞雩行歌洞庭曲

贈黃梅谷

高人卒歲守窮谷自笑谷中無一物何年招得玉妃魂夜
半揮鋤種明月蓬萊玄鳳不敢窺白雲鎖斷橫斜枝水邊
離落豈無地空谷惟有佳人知幅巾杖藜憩寂寞玉顏對
坐兩不惡長吟燈頻亦何傷谷有甘泉梅有夢瓊瑤漱玉

充詩腸歲寒與爾同風霜陽和一返沍陰室長缺已打煌
煌堂山深谷絕誰爲主樵斧伐柯烏啄汝北風吹面君始
歸正恐梅妃有喚語君家仙人石作羊山頭石牛臥如牀
何如叱起耕雲雨鋤去孤根種禾黍

寓鐘寶潭解館二首

豫章先生無與儔人中錚錚陳太丘元方敷席季方杖照
映左右皆琳瑯清江環門山入樓樓頭書客眼長碧無此
主人無此客大瓢酌酒勸客留可惜江山有行色浩歌一
聲天宇白

昔我之來柳依依今我之別山川落葉聲離離停杯撫劍
不能別此別不飲待何時長魚橫盤尾如帚六龍行炙臠

大手我有長歌子有酒男兒快意三百杯何須多
哀北風吹人歸去來

羅節仲辰日招飲田家

豫章諸仲如晨星節也落落人中英風塵溷洞每一見令
我耳目開聰明涼風吹暑天氣晶桑蓬縣門君始生黃公
壚頭開瓮自壓酒勸我頻頻傾浮浮瓦缶清復濁田翁作
坐酌康爵酒酣起舞爲君壽葛天之民無此樂浮雲世故
未可期有酒不飲將何時人生少壯不行樂看我青鬃今
成絲三山瑤草徒聞語碧海蟠桃在何許相期惟願待青
時努力興門繩祖武

贈道州賈詔太守

大明宮前金作雞口銜丹書封紫泥使星煌煌出天北天
路幽險來逶遲輅車遠駐浯溪許水畏蛟鼉陸豺虎楊君
忠義不辭勞匹馬南來布天語上蒼久不聞雷霆老夫倚
杖雙淚零聖恩惻怛有如此嗟爾草木甯無情石牛山頭
搥畫鼓短衣獨速鵲鵲舞大瓢酌酒勞楊君氣如長虹貫
斗武楊君殺賊勇有餘十年談笑持旌旗腹中落落果何
物兵甲之外皆詩書雄雞一鳴天欲曙上馬匆匆不回輒
他時微省問蒼生爲說來蘇莫遲暮

送秋江上人并序

秋江上人錫江鼇峯人也卓錫於吾鄉古天竺寺碩德
高行聞於禪林與予交最善一日語予曰子自弱冠遊

昌江去儒爲僧迄今二十有八載矣風塵瀕洞道途梗
塞二親隔絕養生送死之道靡有其一雖僧俗異同而
酌水思源孰無是心今將一歸故里訪桑梓省先人墳
墓願大叩佛以盡罔極之勞公能贈以言否歌以爲饌
冀同志者從而和之其詞曰

上人胸次無纖塵秋江之清堪比倫禪心十載光無際相
逢一笑皆回春風塵瀕洞猶未已飛錫飄然訪桑梓問問
故舊如辰星一時相見應相驚頭顱雖異風度在見人尙
記兒時名元關窈窕先靈隔古柏號寒聽鳴咽傾觴布奠
了塵緣一片浮雲留不得空山無人龍象悲松枝東向師
還歸昌江冰消春水綠此時呼酒臨江湄爲師一洗白足

秋燕吟別湯元帥館

秋燕別華堂堂深秋氣涼雕梁三四遶欲別更徬徨喃喃
細語依簾額自說生來半爲客綉戶朱門慣往來青郊紫
陌多相識十年人事頓堪悲王謝樓臺非昔時骨肉河
海毛羽敝一身羞傍小家飛鵲鵲滿眼難爲伍好風吹落
潭府陋質深蒙顧盼恩爲君強作差池舞南塘猶有舊
泥此日辭君君莫疑願君努力加餐飯明年花時復相見

鵲兔吟

村原西風動藜葭深秋野火如紅霞
毛老兔誇三穴出沒草根何處捷銀頭
飢鵲方貪餐利黍下搏野兔猶覓食

驚奔戰雙股鵲兮疾力環山五須臾免倦鵲亦疲二物俱
喪還可嗤擅功惟有道傍父鵲蚌兩亡俱付汝

無魚鹽歎

羹無鹽食無魚吁嗟先生胡久居無魚何以充口腹無鹽
何以滋肌膚太學韓公歎寂寞朝齏暮鹽猶有餘馮驩彈
鋏歌未已素鱗坐見來行廚奈何淡泊兩無有坐啗蠹飭
形容枯先生撫掌付一笑書中有味甘如腴人生飢飽皆
夢幻風俗況與承平殊憶昔閭閻正殷富斫鮮煮海談荆
吳巨商滿載出都會萬船銜尾如鷺鳧和羹飼犬土同價
物理盛極逢乘除風塵瀕洞商賈絕千錢所得纔錙銖由
來事勢本無據變化反復如樗蒲先生謀道不謀食飯蔬

飲水真良圖

和礪詩漁父辭劍引

江有阻兮路有歧時將迫兮來何遲子弗渡兮我心悲既
渡子兮我何以劍爲噫嗟行兮子無我疑

子胥謝漁父

江有水湯湯我將濟兮無梁窮途事迫兮心皇皇倏丈夫
兮孰舟孰航丈人之德兮非劍何償胡爲不顧兮迺鼓枻
乎滄浪曉銜恩誓報兮之死靡忘

題陳搏移居圖

尊卑相交四海沸吁嗟先生不成睡翛然舍此復何之天
寒日暮迫晏歲幼妻弱子並兩健老病反顧催著鞭酒樽

羣居理後先大冢在道猶在肩先生之居白雲裏清風迎
門鶴隨止陳橋一旦植黃袍何似山中睡方起石田茅屋
今安在回首高風三百祀君不見古計淒涼禾黍秋向來
功業水東流

讀圻者王承福傳

我聞圻者傳至理所醞釀健讀三四過良可以自況薄功
厚饗得天殃獨棄官勲事高尚操鋤屋食三十年心安自
謂終無恙偉哉斯人廢中權風流合在羲皇上何如患得
患失徒到處乾坤同俯仰

歎老萊妻

我聞老萊妻卓有丈夫志楚王廉夫賢親召守國吏一朝

拜辱欲有行彼則恚然形異議酒肉可啖鞭扑隨官祿可
餌斧鉞繼至哉斯言言中倫竟不蠅營爲所制何如夫人
獨不夫甘心妾婦同斯世

續麗人行次韻

春江水綠春草長暖風晴麥搖翠光江頭女兒踏春陽宮
鞦韆雙鴛鴦濃蛾埽翠誇時粧青梅如豆懸釵梁含蕊
避客依垂楊綠條花貌相掩映羅裙颯颯風送香我欲臨
流攬其裳贈君江南充耳之明璫願君同貯流波雙餞君
東風南浦之離章微詞謔浪空徜徉彤霞無影散玉頰飄
然竟學孤鸞翔亦知佳人禮自防豈比濮上桑間美行雲
一片香莫覩癡心空斷相思腸

長松爲風所拔

夜來顛風何太雄吹折老夫屋後之長松長松吹折猶自
可有鵲養子巢其中巢傾于死鵲飛去哀鳴嗷嗷繞他樹
向來自謂安如山今日方知致身難嗚乎長松尙有吹折
時草藏之禽尤可嗤

吳志道卽居左鑿池池中立石假山高丈餘絡以翠
蘿環以清流旁創小亭爲游息之所肩吾陳子扁之
曰咫尺蓬萊作歌要予同賦因次其韻

吾聞蓬萊之山三萬里盤根下插虛空底六鼇屢屢挽不
前那得飛來窗戶裏寒姿顛倒白雲閒綠水錯磨花玉齒
老苔懸薜荔聯絡髣髴元州環島嶼固知幻戲山人爲豈

有金珠炫青紫亭中老仙方晏坐醉眼狂花吐奇理省來一笑悟非眞欲借鯨波洗眸子世閒小大本無憑一視正須齊彼此秋豪泰岱孰雌雄滄海坳堂同一水嗚乎安能自此乘清風下視塵寰抔土耳

贈吳丈任眞

王述掇皮皆是眞知者惟謝公一人當時審其意不顯有獨表表超出羣吳君大書任眞扁其右觀者駭愕來云云方今舉世皆詐僞一眞豈獨能久存越雪蜀日衆所吠咬咬千尺不如尺水渾君不見古來以詐全萬乘亦有以僞固三年獨持一眞謝朋友九疑對面生層雲吁嗟眞兮無用於國亦無用於人公其抱此以遊於逍遙之野而侶無

懷之民

青山白雲歌思余嘉賓也風塵瀕洞南北不通音問

隔絕思而作之

自注嘉賓翰林院判母夢吞雲而生小名雲孫

青山之青無可名有山以來無此青白雲之白白如羽倏忽變化騰青冥我本青山人結廬白雲閒白雲長往來青山淡無言朝同白雲出夜共白雲還白雲一旦舍我去惟有青山相對閒人言白雲好我愛青山佳青山何所有細水泛桃花白雲何所之金銀宮闕天之涯浮沈異世如塵泥我思白雲雲不思洒掃青山石高歌白雲詩黃塵吹空暗江海我但醉眠聞鼓鼙願隨長風一息九千里喚取白雲還故扉青山青山堪采芝白雲白雲胡不歸商家霖雨

新洲耆舊集 前集卷第三十一
久寂寞臥龍不起疇其依瑤姬老矣高臺非雲兮雲兮知
不知浮雲萬變果何益不如深山抱石而幽棲噫嗟歸來
兮帝鄉雖好不可以久居

和禽言

泥滑滑十步稜擻五步蹶我行欲借東家驢一蹶翻然四
蹶折鳴乎甯可徒行費腳力驢死家貧償不得

泥滑滑

提葫蘆遍走街頭無酒壚田家米價貴如玉斗酒十千無
處酤嗚乎客來一笑茶當酒邇來風塵茶亦少

提葫蘆

陌上花

并序

梁元帝妃每歲春月渡江歸甯帝作書報妃曰陌上花
開可緩緩歸矣後人遂作樂府名陌上花因擬賦之

案

陌上花餘錢鏐事悞用 四
庫總目提要已正之矣

陌上花開滿陌金屋美人歸未得流蘇繡帳掩香塵目斷
君王片雲隔九重宴罷移宮燭歌管聲殘更漏促自臨寶
扇拂鸞牋細字斜行寫心曲陌上花開滿枝掌中美人知
不知翠眉蟬鬢今何似趁取花時緩緩歸書中未盡丁寧
意更遣青鸞口傳語陌上花年年好掌中人年年老春光
爛漫不歸來轉眼殘紅滿芳草一封書千萬囑油壁車黃
金犢花邊待花底宿緩緩歸莫愆期

有感

老鬚若霜蓬如何獨守窮還家猶作客廢學願爲農日月
龍蛇雨山川虎豹風牀頭新釀熟思與故人同

贈宗人胡以興海觀

何年鼓棹泛洪濛盡捲蓬瀛入望中老蜃噴空開翠嶽巨
鰲吹浪溼珠宮天浮析木星河外地盡扶桑日本東說與
井蛙渾不信更攜銀漢附鵬風

患癰二首

陽消陰長巧知時夕去朝來似有期初若抱冰增戰慄終
如坐甌劇蒸炊聞中郭索不我借句裏髑髏空自奇擬倩
憑夷訴顓頊爲令驅出宵馨兒

衰病伶仃一老夫桃笙八尺做朝晡天公有意存吾道鬼
物何心逼此軀肝膽輪囷猶顧我形容枯槁已非吾有時
怒見不平事強起挑鐙看湛盧

亂後訪舊有感

粉牆朱戶舊娑娑今日重來滿綠莎
戀戀綈袍知己少紛紛執袴少年多
看鐙深巷思行樂呼酒長亭憶醉歌
惟有河南橋下水儒冠依舊照嵯峨

偶成

鄭虔官冷飯不足杜陵高歌勸歸來
古人失意有如此嗟我不去胡爲哉
山中屋廬殊未破門前稻秫已堪栽
扶犁有子健如犢不信石田荒綠苔

觀除目

君王輕爵重艱虞欲把銅山鑄虎符
天上故人修詔草山中幽子看除書
幹裳袞袞爭先進肉食紛紛愧遠圖
戡亂

扶顛今日事不知廉藺果何如

寨居于糧吳景祥

甌有塵埃釜有蛛匡園未解意何如西山紫蕨和雲采南
谷黃精帶雨鋤門外更無干斛米腹中空有五車書吳江
見說深如海何惜餘波活鮒魚

詣石牛寨湯元帥

函谷門閒集脫鞢獨攜霜骨傲窮秋故無六祖三閒屋蓋
土元龍百尺樓老楮獨憐勝翠被布衣猶待解貂裘明朝
擬訪林邊竹還許吟螺借我不

送昌江丞之京

五鼓船開不可攀金門報政幾時還半帆花雨征裳重滿

院松風午夢閒名字竟通金鎖闥恩榮暫造紫宸班重來
擬望蘇民瘼倚杖江頭聽珮環

上州將

紫氣迢迢下玉京天教五馬鎮山城一輪明月何曾缺百
里昌江無此清草木回顏沾德澤豺狼側耳聽威名山中
病叟頭如雪願借餘光一照榮

上縣尹

聖主恩深及草萊侍丁特許免夫差天邊鳳詔今重見江
上馬夫猶未回八十蒼顏憐我老一雙青眼望公開倘能
替換扶衰病結草丹心死不灰

贈方道士回海陽

天上神仙白玉畿山中道士紫煙衣
風塵瀕洞雙鳬去城郭荒涼一鶴歸
碧海青桑談世故丹田火棗悟機明
朝又向江頭別回首空山葉正飛

看畫馬

九重天上看飛龍大地騁驪一掃空
白髮塞翁多意氣眼明空見畫圖中

贈星士

涵空一碧湛虛明中有蜿蜒睡未醒
好待夜深風浪息看渠吞吐一天星

寄友三首

憶予自昔乘羊車數月不見今何如
潭邊日日看流水愁

有源流雙鯉魚

河南橋頭舊酒壚酒邊曾共歌烏烏高樓百尺應頻上還
有詩人共醉無

傳聞借得街頭屋堆麴如山不計車何日相逢一樽酒溪
橋踏月夜還家

沈氏文集前編卷第三十二終

沅湘耆舊集前編卷第三十九

新化 鄧顯鶴 子立審編

男琮謹輯

湯教授彌昌 一首 詞附

彌昌字師言長沙人宋大理少卿璫四世孫授長
洲儒學教諭鄱江清獻兩書院山長歷從政郎溫
州路瑞安州判官轉建寧路儒學教授師言名姓
不見湖南通志元詩選於吳郡袁易通甫靜春堂
集稱郡人龔璫子敬郭麟孫祥卿湯彌昌師言爲
之序又云元世祖初克江南畸人逸士浮湛里閭
閒多以詩酒玩世元貞大德以後稍出居儒黌以

淑後進若靜春與子敬師言是也又通甫有寄吳
中諸友六首師言次三或疑師言爲吳人然考師
言自書款識每稱長沙比閱靜春堂集有送湯師
言番江書院山長詩起句云風土迢迢吳芮邑送
君還憶舊羈栖然後知師言果長沙人又海虞吳
芮元賢遺墨跋稱彌昌爲湯璫四世孫璫瀏陽人
師言未知以何時流寓吳中其稱長沙固祖貫也
吾楚人多著籍異地久則弁迷其本貫如曹松鶴
陽人而以爲舒州劉蛻長沙人而以爲射洪蘇堅
蘇庠澧州人而以爲丹陽如此之類不一而足不
僅一師言也師言詩流傳甚少茲從江夏陳氏近

所刻楚帖中採入一首而以詞二首附焉

敬題文正公所書伯夷頌卷尾

頌文遙附青雲傳楷法獨推黃素書百世清風元不泯兩
公高志更誰如珠遺舊入權臣橐壁返今逢刺史車一卷
寶藏同魏笏虹光清夜燭寒虛

題水村圖卷趙文敏爲錢德鈞圖

虞美人 詞附

翰林妙寫溪村趣荷屋知何處溪翁想像住溪灣一笑如
今家在畫圖閒西風門掩蘆花溼聊與漁樵伍人閒不
信有張翰翳取吳淞空向卷中看

前題

祝英臺近 詞附

染秋雲圖澤國野趣入遊戲能事何須五日畫一水重重

楊柳陂塘茅茨村落蘆鄉外西風漁計晚煙霽有客乘
扁舟延緣度疏葦欲訪幽居宛在碧溪尾浩然目送飛鴻
醉歌欵乃溪光裏亂山橫翠

李舉人邦彥一首

邦彥醴陵人延祐四年丁巳舉於鄉見通志選舉
表

黃陵廟

蒼梧杳靄迷霞躅晚雲愁入修眉綠薰風不動五絃空清
血斑斑在山竹

馮提舉福可一首

福可醴陵人延祐五年戊午進士官江西儒學提

舉

七星關

點蒼何蒼蒼環以西洱河百年雨露恩詎敢煩天戈轅門
振烏撒衣帶踰牂牁巨險久已夷故關尙坡陀云胡七星
名亦復垂不磨

楊待制軻

八首

軻字梓夫慈利人至治元年辛酉進士歷官茶陵
州同知保寧總管翰林待制有雞肋集梓夫通經
好學慈利州達魯花赤阿思蘭海牙最尊禮之明
初隱居彌勒山建聚奎書院講學以終梓夫詩語
多樸質楚風補錄存諸作殊乏佳篇以其爲明以

前人故亟爲採錄

九度僊樓

誰斷巨鼇足連山分一股誰跨海上鵬壓作參差羽應是
女媧輩化工揮巧斧掀翻炙石雲大塊將天補渣滓至今
存縣瓴分注乳磊落擲遐荒齟齬不合土忙驚日月過晃
漾空中舞裛益問巨靈谿何礙臂武塞鑄制逆流努力迹
駢拇神禹四載仆九年梗作雨紆回殺拗區澎湃亂飛鼓
漫下祖龍鞭六丁護丹府漫發熊繹矢非石又非虎數狹
不能制伊誰可再僊曾把蓬萊輪難將此物贈羅浮亦可
移此物不可取筋斗出盤山龔能踞地主芝田第九層最
上慈生圃

天門峯

臨空有仙子白日醉雲關不貯金漿冷曾傾玉露寒摩崖
看倒影陟巘已酡顏夜見銀河色晴虹貫斗間

玉壺峯

僊署何人到雲樓百仞高窺觀臨石壁登陟屬吾曹治世
多儀鳳巍基跨巨鼇天顏常自在揮翰不辭勞

漆園峯

南華未歷此何以得斯名應有石椁出可憐瘡樹生周官
征有算武庫籍成兵一上巔崖望如雲

僊人峯

一自洪濛剖尋幽水石閒琪花開滿樹白鶴過他山出洞

龍駒溼循阿鹿子斑迢迢太清裏冠珮倚雲端

彌勒峯

鶴立山椒望天低萬里沙過雲遮豕腹飛錫護晨霞猥獻
崖前果鳥嘯風外花不須新梵宇此景屬山家

道士峯

似厭人間世清都汗漫遊崖關棲白鶴雲氣接丹邱下睨
三千界中連十二樓步虛聲嫋嫋風輪轉不休

偕王天祥登瓊雲山

瓊山高至極佳樹鬱相臨虎跡層巖上龍吟古徑陰琳宮
溪溜繞楓陞石苔侵結構何迢遞窺探最廣深庭參新舞
鶴鐘送暝來禽水圃風宜細芝田雨急淫優游仙境日蕭

散古人心采藥衝芳徑吹笙過茂林兩君俱俊彥並馬陟
崎嶇童子陪幽賞空齋接晦音隨行溪百折迴眺巖千尋
暑少慵揮扇興餘促解襟雲深思返駕酌遠欲鳴琴安得
遺軒冕從茲方一岑

鞠宜都志元

二首

志元巴陵人元統元年癸酉進士官宜都縣令宜
都初試中書省以蒲輪賦得名詩不多見僅存近

體二首

琮案唐鞠信陵有移居洞庭詩一首見全唐詩志元或卽其裔也

青龍橋

百尺青龍跨碧湍鐵犀光映玉闌干馬蹏踏月三湘曉人
影沈波六月寒城古不知遼鶴遠潭深惟有老龍蟠歸期

若問巴陵道驛路梅花帶雪看

登岳陽樓

城連晴江醉眼醒夕陽返照過松亭煙生岸芷浮空碧雲
過蒼梧削亂青鶴已有田隨澗水鷗能無侶伴寒汀已將
小隱容疏放日對湖山問蠅螟

余進士觀

四首

觀平江人元統元年癸酉進士

琮案元統元年郎至順四年也是科

榜首爲李齊第二郎一初先生李祁也四軍總目誤列之泰定四年李輔榜鄉南通志因之已於總集辨之詳矣

注玉泉

雲蒸昆山夜月浸藍田其臨風嘯沆瀣滿腹珠璣鳴

柱山泉

寒蟾窺玉蝨老兔遺香醪化爲銀河水一洗炎梅枯

光華亭

原注在藤縣秦少游常遊此後人刻其像與文於石

霞來海天曙月出東山白不是凭闌人誰能當秋色

江月樓

原注在藤縣治蘇東坡南遷過此有江月詩

仙翁看月三百秋江波日去月不流有因炎塵暝空濶直

與江月同清幽

余御史嘉賓

五首

嘉賓平江人初生時母夢吞雲故小名雲孫至正

七年丁亥鄉舉官翰林院判終御史

琮案湖南通志選舉表至

正丁亥鄉舉凡十人平江有胡海無嘉賓名元詩選莆田陳旅衆仲有送余嘉賓赴常寧州判官詩

家在洞庭左舟行湘水閒湍流多度竹石聳不依
山野郭看花出州田載稻還舊聞官事少幽興轉
相關是嘉賓又常歷官常寧州
判而通志佚之不可謂不疏矣

武夷山

紅韜白馬武夷君羽節來時鶴一羣
燕罷虛皇環珮響手攀玉樹下彤雲

三生石上酒三杯松柏風生萬壑哀
醉後不知塵事改緩吹簫管下瑤臺

懸崖疊巘隱書堂澤媚山輝草木香
行至源頭清澈處一溪風月映天光

蒼玉屏風九曲流滿船絲竹載清秋
步隨明月瑤臺去無數紅雲夜不收

五曲溪南天柱峯青天笏立玉芙蓉憑將宇宙支撐住賜
以白雲清靜封

楊常寧子春一首

子春龍陽人至正七年丁亥鄉舉歷官清江縣丞

常寧州知州

琮案子春通志選舉表云官知州時次失考由未檢閱龍陽縣志故也

會仙巖

原注在潯州白石山乃葛洪煉丹之處今尚有煉丹竈存焉

曉剝沆瀣夕餐霞更挽天漿嚙月華日午道人猶未起香
風吹老古松花

歐陽訓導子敬一首

子敬字聚德安仁人郴縣教諭有集

書宋進士題名碑後

沅湘耆舊集

前編卷第三十九

七

朝廷登賢能科名重進士有宋咸淳間吾邑獨擅美一榜
得四人藉甚傳鄉里矯矯陳一之赫赫仰芳軌取義甯舍
生求仁不畏死至今忠義名大書在青史我來讀遺碑信
足重桑梓摩挲一片石可永億千祀

珠案一之名億孫登咸淳戊辰進士除湖南

南安撫司參議時李忠節公指知潭州兼湖南安撫使德祐丙子元兵圍潭一之以幕僚從忠節拒守城陷不屈死

義祠

余巡檢畋一首

畋字和仲平江人一字牧山至正閒官播州涪潭
寨巡檢性跌蕩遭元季亂棄官隱居不出與同縣
胡傲軒天游交篤傲軒負才傲睨不可一世獨善
牧山樂與往還每泛航清溪弄月佳夜放歌岸幘

謔聲如雷傲軒吟藁中有贈牧山詩所云珍重加
餐莫輕出共留老眼看昇平者也今從傲軒藁鈔
本中得其詩一首錄之

贈胡天游

世結朱陳自祖宗舊家門戶亦相同我居南岸松林側君
住畫橋湖水東夜月每思談笑裏鬢霜都老亂離中鄉閭
尚有人傳說能酒能詩只兩翁

許元信 一首

元信平江人

幕阜山

幕阜山高一千八百丈二十五洞太元天雪花飛滿水衝

石翠障撈開風捲煙金鯉一雙遊碧沼石田三畝產紅蓮
我來絕頂無他事爲訪仙翁葛稚川

李祐一首

祐號半村湘潭人能詩其孫洙湘具有文武才祐

獨性嗜山水游戲翰墨所與遊皆方外勝流世稱

衡湘多隱君子此亦其一也

湘潭志按祐孫洙元末死土寇之難事在

順帝至正十二年後十五年而元始亡又二年而湖南始入明版圖祐爲洙祖卽倭其身尚存已爲八九十老人矣果其自甘肥遯不附新朝則亦元之遺民也舊志列爲明人殊未深考琮案湘潭傳志作李祐其叔洙裕當爲祐字之誤叔當爲孫字之誤楚風補據舊志列爲明人殊誤

樓眞觀懷彭何二仙

彭何古道場丹竈猶在山松風與蘿月往昔曾躋攀趙陳

諸故友想列清都班恍惚珮與裾飄飄煙雲閒去年曾經
過三五巾青綸今年思少憩幽禽徒飛還道士何所之端
居愁空頑村羅新酒香相與酡枯顏谷神要不死此事諒
所難雌雄與黑白誰識々々關歎息晚始歸殘螢照霜菅
欲紀仙跡實草腹誰爲刪

劉盪儀一首

盪儀平江人

道巖

開闢已融結不煩神禹功虛品劃表裏上與霄漢通絕頂
豁四顧宇宙開洪濛高人寄笑傲識破萬法空回環列玉
筍削出金芙蓉人閒隔幾塵此境真無窮碧落笑空歌環

珮鳴仙風欲書絕巖石把筆還匆匆

羅大珩 一首

大珩字國用益陽人至正閒以萬戶鎮雲南討貴

州白盧寇救援不至力戰不支手殺十餘賊自刎

滇人建祠祀之有絕命詞一首相傳萬戶被圍數

日食盡度不得出乃作此詞繫於衣帶閒明日赴

戰死之其裔孫安官明貴州參政兩過其處重修

祠宇作懷祖詩見正集

琮案益陽縣志大珩官萬戶至正十二年征辰州黃

草尾力戰死於陣羅氏家譜則云授雲南龍虎將軍正二品都司以討貴州白盧寇死於陣其孫安

作懷祖詩注云黃草尾乃貴州地名也與志小異

絕命詞 漁家樂

萬古一輪清皎月照明白許多豪傑獨讓古人真不屑雙
眼血寒江冷水都成熱 釣石豈因濤怒裂紅爐難滅心
中鐵不畏他千回百折頭可截肝腸畱得朝天闕

張翔一首

翔字雄飛嘗題詩岳陽樓見楊慎丹鉛錄琮案丹

過岳陽樓見一詩視其姓名則元人張翔字雄飛
作不知何地人也今岳州志採其詩謂爲澧州守
考元澧州安撫使張雄飛字鵬舉瑯琊臨沂
人此名翔字雄飛不著爵里必非一人也

登岳陽樓

樓上元龍氣不除湖中范蠡意何如西風萬里一黃鵠秋
水半江雙白魚鼓瑟至今悲二女沈沙何處弔三閭朗吟
仙子無人識騎鶴吹簫上碧虛

陳楚春

楚春臨武人順帝入嗣大統路過道州楚春獻詩
帝賞之卽位後擢官湖南廉訪使時道州周壩亦
能詩或勸獻所作壩曰窮達有命也壩字伯和周
子九世孫入明以明經薦補書院直學乞歸奉元
公祠又龍陽周德元亦以行義同徵不赴時稱二
傑皆無詩可採楚春詩亦止得二句

獻詩

紅日馬頭天已近
青雲雁背雨初晴

無名氏一首

有某誦贈圭齋詩諷朝士見長沙府志

府志朝士某還鄉賓

至故吹竽謫里中有執友來謁朝士云翁素好
詩近日謫得何詩執友曰近謫得無名氏謫朝
圭齋詩云朝
士聞詩默然

諷朝士詩

圭齋還是舊圭齋不帶些兒官樣來若是他人居二品門
前蕭鼓鬧如雷

李純道一首

純道字元素號清庵又自號瑩蟾子武岡人著中
和集自序云素不通書因廣參遍訪獲遇至人得
造義經之妙撰成三天易髓授諸門人惟老子道
德經未能究竟一日有傳齊庵者攜紫清真人道
德寶章示余因作中和集其門人蔡志頤編次成

書上卷曰元門宗旨有委順圖其說以身心世事
爲四緣世人一切皆爲繫絆惟委順者能應之何
謂委委身寂然委心洞然委世混然委事自然何
謂順順天命順天道順天時順天理身順天命故
能應人心順天道故能應物世順天時故能應變
事順天理故能應機既能委又能順兼能應則四
緣脫灑常應常靜常清淨矣其言如此後有詩述
工夫十七首皆鍊汞烹鉛抽坎補離之語所謂口
訣也不足存今錄清庵一首以志其概書見四

庫存目外閒有寫本

梁李道

全書存目中

門宗旨曰畫前密意中卷

金丹

說下卷曰問

答語錄曰全真活法後集

卷曰

說曰歌中

卷曰詩下卷曰詞曰隱曰
食修煉之說歸於冲虛渾
自序前有大德丙午杜
道堅序蓋世祖時人也
百並聞一切鑑識
與造化爲一有通純

清庵

吾庵非是等閑庵未許常人取次觀一婦一夫能做泥三
男三女打成團裏頭世界元來大外面虛空未是寬試問
主人爲的事報言北斗面南看

僧圓至一首

圓至工於古文詩尤清婉

都穆南濠詩話圓至寒

輕寒脈脈透衣裳清明院落無鈴火獨統迴廊禮
夜香晚過西湖云水光山色四無人清曉誰看第
一春紅日漸高絃管動半湖煙霧是游座送人云
送子江頭水亦悲更能隨我定何時垂楊但爲秋
來瘦不爲秋來有別離他如再往湖南云云徐
上見訪云並坐夜深皆不語一鐘分映兩閒身此

造語之妙當不減于惠勒參寥輩也琮案元方外
詩少不能別立門類今合女冠神女僅得四首又
不知時代二首
附錄是卷之末

再往湖南

春路晴猶滑山亭晚更涼竹枯湘淚盡花發楚魂香

妙鑠一首

妙鑠大德中僧

通志仙釋妙鑠大德中自袁州至沅陵風采神異有度世禁氣之術

建普安寺縣東乃著袈裟芒屨遶寺行三日人莫測其故至夜投寺前井中其徒宗寶急入井覓之不可得後怕溪人報妙鑠尸在清浪灘往視之果然解其袈裟得一頌云云乃歸葬之越數月人見其枉巴東其走如飛迫之不及而止

頌

三十三年無道無禪空空盡在水底生蓮

定林祖師一

祖師不知時代通志金石門湘南寺左壁上石壁
有定林祖師題詩苔蘚已古筆痕猶新真靈跡也
見衡州府饒志金之後遊南嶽記

詩

身健端須飽此心問山臨水極幽尋待予書徧湘南寺卻
向鐘山老定林

靈應觀石壁一首

詩在城步縣石井靈應觀後石壁上不知何人題
亦無朝代款識字跡奇古晴隱雨現壺形倒於石
上馬跡宛然雙蹠見城步縣王志

詩

僊去僊來不計年
壺形馬跡尙依然
世人莫作尋常看
留取遺蹤作話傳

楊道圓一首

道圓楊氏女也

通志仙釋道圓元時爲邵陽紫極宮女道士郡守有子兩手攀合

不能療道圓以果與之即開後自寫遺照曹詩於紫極宮尸解去僅存隻履焚於開元觀左

開壁

昨夜蟾光忽又多
手攀月窟問姮娥
一從謫入人間世
不覺逡巡七十過
最喜是非今日了
仰天撫掌笑聲同
三疊胎仙舞控翮
徜徉入大羅

盤陀神女

一首

盤陀市鎮名揭奚斯冠神女於此

通志張談揭奚頭未達時遊此

湘開一夕泊舟洞庭掩衣齋坐忽中流一黑過舟則中有女子儀容甚雅揭與談論皆世間恍惚事且曰君大富貴人宜自重因問詩云云明日揭阻風盤陀鎮行數步見一水府祠所設像與夜中女子無異曼碩奚斯字也

贈揭曼碩

盤陀江上是儂家郎若閒時來喫茶黃土作牆茅蓋屋門前一樹紫荆花

便河謠

常德府志

山川便河在武陵縣北門外元郡監哈

十五里開河以便之歲旱因以溉田民甚賴焉

哈喇開河恩多怨多百年千載後恩在怨消磨

柳侯頌

武岡志

柳不華至正中官武岡路總管元末之亂

率義兵戍守同保山控制蠻獠歲二十年賊不敢窺邊防賴之以疾卒於官鄰境聞之皆痛哭失聲相與頌之云

前有公綽武岡父母今之郡侯毋乃其後是我衣食安我田畝我子我孫與侯同久

粹案元和七年武岡蠻獠作亂發兵討之不克時柳公綽爲潭部戎帥提卒五百屯武岡宣天子威

命亂人大恐投戈頓伏奉職如初見柳子厚武岡銘卽頌語所云前有公綽也

沅湘名舊集前編卷第四十

新化 鄧顯鶴 子立審編

男琮謹輯

李應奉祁 七十七首

祁字一初別號希遽翁又號危行翁不二心老人
葦陵人元統元年癸酉進士除應奉翰林文字以
母老就養江南改授婺源州同知遷江浙儒學副
提舉母憂解職會天下已亂遂歸隱雲陽山中後
復避地永新明兵入永新被傷儒衣冠僵仆道左
總制新安余茂遣人舁歸辟正舍禮之明洪武初
詔徵舊儒不起年七十餘卒有雲陽集十卷

庫全四

書目錄提要云祁詩冲融和平自合節奏文章亦
雅潔有法永新千戶俞子茂重其爲人祁歿後爲
刻其遺集明宏治間其五世從孫東陽搜輯遺稿
屬吉安守顧天錫重錄卽此本也又曰元制以漢
人南人爲左榜蒙古色目人爲右榜祁爲左榜第
二人其右榜第二人則余闕也後闕死節而祁獨
轉側兵戈間爲闕序青陽集以不得乘一障効死
爲憾又稱世之貪生畏死甘就屈辱覩然以面口
向人者斯文之喪益埽地盡矣蓋與闕雖出處稍
殊死生各異而其惓惓故主義不負元則大節如
一昔宋理宗寶祐四年榜得李文天祥爲狀元而又得
陸秀夫謝枋得二人是榜得李繼爲狀元而又得
祁與闕二人黜不愧文天祥闕不愧陸秀夫而祁
亦不愧枋得是二榜者後先輝映亦可云科第
之盛事矣案一初先生清修苦行出處本末大
節凜然實爲有元一代完人其詩不宜列之明代
顯鶴前纂輯沅湘耆舊集託始勝朝因倣顧侯君
諱立元詩鈔以還山詩冠元代之例謹首雲陽爲
全集升冕今綴輯者舊前編殆自晉代迄於有元
四庫全書目錄爲綴示不敢遠先生本志也又案
祁公登第於泰定四年奇甲不知公元統初

元登李齊榜進士與余忠宣公同打一以宋理宗寶祐四年榜列之闕誤李齊爲李黼耳務先生左榜屢見公文集萬無可疑其竊李齊之死甚烈原不誤編提要涉筆偶誤通志不知是正反以元統爲泰定謬矣

題金人出塞圖

窮林立喬松峭壁插平地蒼茫絕飛鳥倏忽見羣騎雜襲
衣與裘蒙茸閒瓊毳差池鞭弭閒孰識誰賤貴憶昔從北
征驅車出幽薊天時大雨雪道遠恐遂泥牛馬俱阻寒驢
蹶縮如蝟所見人物殊適與此圖類當時皇風淳聲教浹
遐裔雕題與披髮商貨罔不至自從煙塵生河海隔氛翳
舟車斷來往榛莽極荒穢邂逅見此圖俯仰今昔異矯首
欲無言長空正迢遞

懸崖蘭

幽蘭厭叢薄託根附層崖崖傾石龍嵒峻極何由階我欲
往從之采英掇其荑願無雙飛鵠此願終難諧含芳尙韜
逸不與衆草偕感彼忽自悟喟然傷我懷

同孫彥能遊山庵二首

緣崖涉清泚披草得幽逕蕭條雙檜閒獨立一松勁入門
聽微鐘心垢一時淨向來飽干戈棟宇兀偏正空庭鳥雀
喧壞壁龍虎暝徒能起咨嗟無復聳觀敬三歎復出門乾
坤幾時定

孫君方正人直道不由徑吐詞每清新題句更遒勁青春
二三月川陸頗明淨徘徊憩小庵危坐身必正嗟余及衰

病困日常眠乃知英妙年才力良可敬勗哉勵功業名
垂久仍定

斗室

移舟向溪渚結屋依山阿從容漁釣閒樂意何其多天光
人戶牖萬象皆森羅援琴奏逸響清飈振林柯亦有素心
人酒熟常相過誰云一室陋褊迫無委蛇所嗟今世士締
購高嵯峨畫棟隔飛鳥朱蕙映清波一朝壽命盡歎息將
奈何日月互顯晦乾坤相盪摩

題鄱陽楊蘭谷漁樵耕牧圖

我家雲陽東衣食在漁稼朝耕白雲邊莫釣清溪下有時
逐樵牧談笑至晷夜自云此真樂此樂天所借亂離寄他

沈湘耆舊集前編卷第四十

三
川上女

鄉奔走不遑暇蹉跎幾經年及此見圖畫蒼茫指顧中彷彿在田舍四事苦難併苟得亦何詫何時賦歸來雞豚饜春社

和碧虛湛上人

賦性便所適常恐勞其生偶因魚鳥性遂得山水情情忘意自愜不在形與聲如獨夸毘子竟日方營營

曉行

鬱鬱溪上松巖叢草頭露幽人愛清景晨起就征路翩然厭羸驂獨行不回顧浩浩誰與期青山澹無數

和陳子尙雨中見過

涉世諒不偶悠悠詎知心窮居自幽渺詰屈誰能尋山容

窮調台候忽晴與陰子來當此時不避泥濘深慷慨述前
古衰遲陋方今白駒在空谷鳴鳳當高林發我以遐思慰
我以好音感茲意氣厚所愧桑榆侵懷哉南陽臥寂寞梁
甫吟

和周宗文用陳子尚韻見簡

古人重高義窮達恆一心自言不枉尺豈能顧直尋天時
向寒沍微陽渺重陰君子道未復志士憂方深憂茲可柰
何自古非自今但願得良友時能訪幽林幽林近荒僻山
水無佳音青松日憔悴霰雪尤苦侵願君勿遐棄頻來慰
幽襟

藤溪釣叟歌有序

遊戲翰墨常有深趣其自號曰藤溪釣叟海樞道人某
爲之作歌

藤溪釣叟清且奇出處不與傍人知翛然垂釣坐溪上上
下雲中相追隨朝看溪上雲暮踏溪頭月青山綠水是生
涯紅蓼丹楓共蕭瑟有時欲寫蒼龍姿雷轟電掣風雨馳
高堂素壁見揮埽凜凜毛髮寒生肌有時直向梅花下弄
筆搖豪恣描寫新條舊幹總橫斜嫩蘂疏花亦瀟灑藤溪
釣叟非釣徒逸世不見與良謨得魚沽酒喚溪友顛倒汗
衫同驢娛君釣藤溪魚我作藤溪歌風塵傾洞豺虎出一
笑奈爾藤溪何

題梨花喜鵲圖

吒吒復吒吒池陽有客思還家當時舉頭占鵲喜妙意豈
在東園花舉杯囑靈鵲借爾庭前樹願爾勿嫌猜翩翩好
毛羽作巢得食哺爾雛終日庭前莫飛去

昭君出塞圖

朔風吹沙天冥冥愁雲壓塞邊風腥胡兒執麾背人立傳
道單于令行急蒙茸胡帽貂鼠裘誰信官袍淚痕溼漢家
恩深幸不早此身終向胡中老此身儻負漢宮恩殺盡青
青原上草

奉題朱澤民先生畫山水圖

洞庭之南湘水東青山奕奕蟠蒼龍雲陽峯高七十一欲

興衡嶽爭爲雄我家近在雲陽下來往看山如看畫十年
塵土走西風每憶雲陽動悲咤吳中勝士朱隱君筆精墨
妙天下聞畫圖畫出湘江水青山上有雲陽雲雲陽山高
湘水綠十年不見勞心目只今看畫如在山萬里歸情寄
鴻鵠

歸來軒

忙處愛山看不當歸來結屋長相向就中編作歸來軒田
園正欠陶元亮竹籬茅舍村數家藜杖芒屨時一訪紅塵
不比晉宋閒清風自是羲皇上夢回枕簟書有聲客來午
簾微煙障綠陰入戶如有約白雲出谷遙相望逸知今日
始有歸始信從前心是放更容老子二十年從教白髮三

千丈

贈王汝賢

頂竈知誰在倉皇賴汝賢
壯心拋舞劍驚膽落虛弦
暮雨滄江上春風綠柳邊
高歌聊自遣世事苦茫然

題梅坡

迤邐城東路梅花漫遶坡
步隨山雪徧興入野雲多
顧影幾常側憐香手屢抄
爲君題作畫短句不成歌

題王與齡畦樂

有客依南浦長年學種畦
才高宜世用性僻愛幽棲
菜甲侵腰長桑枝刺眼低
不因來往熟那得自成蹊

送周明卿歸九江

沅湘耆舊集前編卷第四十

邂逅逢知己，蹉跎惜暮年。
青山橫蒼莽，白髮老江天。
對酒春芳歇，聽詩夜雨懸。
片帆明月遠，回首各風煙。

偶題

元日初逢雪，淒然憶帝京。
崔嵬銀作闕，迢遞玉爲城。
閭闔開三殿，簫韶問五諷。
白頭消息斷，老淚不勝情。

和王子讓席上韻

衰年愁把盞，壯志憶題橋。
遇事難開口，逢人愧折腰。
樂傳天上譜，心逐暮歸樵。
宴罷驪歌發，蹉跎又一朝。

按子讓名禮廬陵人亦先生同年進士元
上累辟不出以鐵拄杖採詩山谷間者也

和劉梅南見寄

先生雅趣耽幽癖，住近雲山第幾家。
夜雨暗添原上草，春

風晴入路旁花詞嚴自可驅蛟鱷德厚何妨看蜥蛇珍重
吉人宜壽考故應吾道有光華

次王子讓韻二首

老淚縱橫憶舊京夢中歧路見分明天涯自信甘流落海
內誰堪託死生短策未容還故里片帆只欲駕滄瀛他年
便作芙蓉主慚愧當時石曼卿

城郭人民事事非空餘塵土滿征衣君猶有道堪移俗我
已無家不念歸天地晦冥龍去遠江湖寥落雁來稀極知
此後還相憶愁見青山映夕暉

次賀琴南韻

茅屋秋風古道傍衰容不似去年疆漢庭無夢陳三策楚

水空懷賦九章落日亂雅紅樹老斷雲孤雁碧天長相思
無限關心事不爲催詩急雨忙

謝彥能爲制紫羅帶

知君念我久清羸病骨難堪革帶圍故翦紫羅相結束能
令白紵動光輝繫來城市腰慚折解向林泉興欲飛只恐
山中人未識兒童驚喜闕牽衣

和琴南見寄

自從戎馬斷河關轉覺人間去住難風雨故園秋漠漠星
河孤館夜漫漫知君只憶桑榆晚愧我空耽研席寒安得
飛鴻數來往裁詩時寄碧雲端

送非空晦之二上人歸青原

青原山氣鬱盤紆去郭連村十里餘洗鉢水香晨粥後讀
書鐙盡晚鐘初晴天小閣收屢衲暖日輕雲護芡藕願得
明年筋力健徑尋溪路訪深居

和高莘田韻

邂逅相逢更有情每從杯酒見平生老來致仕身猶健醉
後題詩意愈清萬里雲山初識面十年湖海舊知名慙慙
且共畱連語別思匆匆未可輕

和詠海棠

名花初發愛輕陰翠袖紅粧漸滿林步入錦帷香徑小醉
扶銀燭畫堂深妖嬈喜識春風面零落愁關夜雨心多幸
鳳皇池上客爲勞秋思寫清吟

答友人見寄

碧天如水暮雲收又見江南一片秋
亂後年華多荏苒客中蹤跡故淹留
露鋪金井桐陰薄月上瑤階竹影修
遙想轅門涼氣早壺漿來往百無憂

和孫彥能夜坐韻

知君靜夜題新句欲把瓊瑤換木桃
明月照人空偃蹇好風吹鬢更蕭騷
蓬萊有路神仙近河漢無聲列宿高
見說城頭多白骨明朝何處可遊遨

題元陽洞

昔年曾上鳳皇臺今日重尋勝地來
洞口雲深龍睡穩松梢煙暝鶴飛回
蒙茸翠草山腰合璀璨瓊樓芝石鏤
開千載

何人倚相業夜深凝盼望三台

和青原寺長老無詰見寄

鶴髮白髮舊儒臣幾見江南物候新問訊枉煩林下士變
衰祇似夢中人隔簾聽雨常經久倚石看山不厭貧更欲
就依禪榻畔爐香終日澹細縕

和詠鶴

老去曾看相鶴經暫從華館識伶俜幾年養就丹砂頂竟
日閒梳白雪翎萬里壯心原自許九霄清唳好誰聽神仙
舊侶知何在遙望蓬萊一點青

謝無詰送山藥

山中有藥堪扶老不比尋常老芋魁生處怕逢蒼石罅採

時須向白雲堆菁茆裏就封題合石鼎烹來笑口開從此
便應腸胃暖勉教癡腹笑春雷

賀俞總制造新府衙

爲惜頻年汗馬勞更開新署列官曹貔貅夜宿轅門靜鸞
鵠晨趨劍佩高月滿麗譙添雉堞雨深山砦長蓬蒿公餘
秀水橋邊路千騎鳴笳擁節旄

和鍾德公見寄二首

暮年憂患苦相遭萬壑千巖信足跳江漢有人思召虎淮
淝無處覓張遼閒花野草時俱發翠竹蒼松老不凋賴有
故人情誼重馳書千里不辭遙

江湖風浪日蕭蕭鯢鱓魚蝦亂躑跳諸葛有才終復漢管

甯無計漫依遼煙消故國川原靜秋入空山草木凋猶憾
歸來相見晚暮雲春樹碧天遙

送吳俊傑歸江東

幕下貔貅十萬人幕中賓客罕同倫揮戈略陳天回日點
燭論兵夜向晨禾水衣冠仍草草星源文物故彬彬知君
廣有安邊策定約重來立要津

和劉子綸韻

萬里山河就帝居十年消息怪來疏故人天上千鍾祿老
子山中一卷書憂國勤民心獨苦求田問舍未爲迂耳邊
昨夜初聞捷清晝傳來總不殊

和前韻答孟吳勤

不是衰翁愛索居只緣多病故人疏來依陸氏三閒屋勝
得劉公一紙書同輩謾推年齒大後生應笑老成迂知心
賴有通家子早晚相過意迴殊

題畫四首

山路晚蕭蕭山家何寂寥歸人憑杖屨安穩度危橋
列岫連蒼靄寒流漱石根灣柯有茆屋無路覓松門
人家住孤嶼來往盡通橋欲見前山色寒雲晚未消
朝見江水平暮見江水渾網罟日日多思之誰與論

畫鷹

勁翮排霜戟天寒氣弱驕草閒狐兔盡側目望青霄

題杜甫遊春圖

草屋容欹枕，茆亭可振衣。如何驢背客，日宴尚忘歸。

題蕙蘭

楚澤生芳草，兼之蘭蕙多。十年風雨暗，惆悵隔煙波。

次劉文貫韻二絕

楚客謾勞懷璞玉，燕王空費築金臺。無錢買得蒲葵扇，爭奈黃塵滿面來。

千嶺落日江南路，白雁淒風塞北天。多少故人消息斷，眼穿那得尺書傳。

題雪景

瓊枝瑤樹擁樓臺，戶牖臨風晚自開。一鳥不飛人跡斷，扁舟何處獨歸來。

猿

冷泉亭上呼嫌少
巫峽舟中聽厭多
白髮老人宵夢短
月明孤館奈君何

釣圖

扁舟短棹意如何
日暮歸來雨滿蓑
妻子只貪鱸膾美
那知湖裏是風波

題蘆雁

黃蘆白葦意闌珊
旅食羣棲暮雨寒
自是江湖十年夢
祇今時展畫圖看

和王子讓三絕

萬頃煙波一葉舟
更無維楫任飄流
此身自合他鄉死
爭

秦狂狐憶首邱

萬木同根一氣機
歲寒方見雪霜姿
廬陵舊日文章手
爲問如今更有誰

我逐郊原鹿豕蹤
君如鷹隼挾秋風
近聞鐵網連山海
不信人間有臥龍

寄友人余承慶三絕

滾滾紅塵客未歸
秋風吹老舊荷衣
幾回欲寄相思字
不見簫湘一雁飛

楚囚何事理南音
萬里鄉關一寸心
憔悴歸來還自斷
此身祇合老山林

吳山迢遞越山遙
辛苦詩人遠道招
何似釣臺臺下路

簑煙雨看春潮

山居首夏十絕示外孫陳祖蘭

春風滿意綠周遭
乍著單衣脫敝袍
最愛晚涼新浴罷
坐看春筍出林高

疏篁新植二年餘
附近流泉作小渠
更約明年根節大
旋看修影到庭除

寶峯住在嶺西頭
茆屋荒寒竹徑幽
莫笑老夫無腳力
往來朝暮幾曾休

平沙望盡是高岡
迢遞山光帶水光
仰面只知天遠大
低頭誰信地荒涼

青山疊疊去無窮
萬古興亡在眼中
閒殺舊時揮翰手
謾

扶藜杖數飛鴻

老子生來是轉蓬
敝裘羸馬厭西東
如今獨臥空山裏
始信從前是夢中

富貴榮華豈偶然
饑寒流落總由天
但令衣食隨時了
未必如今不似前

前年新覓數株梅
移向庭前手自栽
惆悵近來風土薄
慙慙難得一枝開

山前山後翳蒙茸
荆棘藤梢謾作叢
願得長腰撐飽飯
自鋤煙雨種高松

半鋤新地半開荒
賸喜來年歲頗穰
若問先生生計事
一年慳得半年糧

題畫

石磴嶠崎滿徑隄樓前塵土日憧憧人言別有幽棲處知
隔雲山第幾重

題無詰蘭石

昔年曾向吳門住每口僧房看露叢今日卻逢無詰畫町
畦全似雪窗翁

題錢舜舉所畫唐三學士圍碁

唐朝內相極清華出入黃扉掌白麻承詔歸來無一事閒
尋棋局到昏雅

題畫二絕

浩浩滄波天四圍秋風一鶴夜來歸祇應夢裏聞長笛知

是當時舊羽衣

町畦高下水清澌日夜辛勤學種田
便擬明朝結長綱與君同住浙江邊

寄龍田三仙閣道人一絕

孤懷遠寄白雲邊
麥飯荒涼幾十年
賴有故人情誼重
官將青眼照黃泉

琮案元王逢梧溪集有儉德堂懷寄二十二首首

一初先生全并序錄之李一初名祁茶陵人由進

士累官南臺御史會亂歸隱儒臺一別後二十四

飛螢不見重華日空懸執法星紅綬諱舊味皂帽

送餘歸想像龍魚舞鈞天奏洞庭案先生元統初

登左榜進士第二授應奉翰林文字母老就養江

南改發源州同知遷江浙儒學副提舉未聞爲御

史也此云官南臺御史足補史傳之闕又元史類

編文翰先生傳敘登第云左榜第一敘官資漏儒

學提舉又云兵亂後被傷而歿證以先生文集皆

元相督事集可尚餘第內十

元相督事集可尚餘第內十

元相督事集可尚餘第內十

元相督事集可尚餘第內十

不合坐未深考之故也逢宇原吉自號席帽山人
又號最閒園丁四庫總目提要畧云逢至正間
被薦不就避地吳淞江築室上海之烏涇適張氏
據吳東南之士咸爲之用逢獨高蹈遠引及洪武
初徵召甚迫又以老疾辭明史文苑附載戴良傳
中以二人皆義不負元者也逢詩得虞集之傳集
中載宋元之際忠孝節義之事甚備足補史傳所
未及蓋其微意所寓也亦見元史類編文翰補遺
其儉德堂懷寄二十首次十亦湖南人以晦迹擢
江浙提學今謝病隱吳江薦書三十載垂白廣文
官冀北心肝熱湖南骨肉寒病辭新主聘老託故
人安著就先天學何時一細觀案擇名不見湖南
通志亦不知何郡人善楚文獻飲畧如此者不一
而足詳附錄
於此以待考

沅湘耆舊集前編卷第四十終